

7294

M. 8 2^{te} p. 148

#

Moulin

(Pierre du)

THEOPHILE

O V

DE L'AMOUR DE DIEU

TRAICTE' CONTENANT

CINQ DEGREZ.

CINQ MARQUES

CINQ AIDES.

Del' Amour de Dieu.

Par P.DV MOVLIN, Ministre de la Pa
role de Dieu, en l'Eglise de Paris.



A LA ROCHELLE.

M. D C. I X.

Prohibitus

803031

THE

DE LAMOR

FRANCIS

CINO D

CINO M

CINO S

DE LAMOR

FRANCIS

CINO D

CINO M

CINO S

DE LAMOR

FRANCIS

CINO D

CINO M

CINO S

DE LAMOR

FRANCIS


CINO D

CINO M

CINO S

DE LAMOR

FRANCIS



A

H A V T E E T

P V I S S A N T E

D A M E A N N E D' A L-

L E G R E , F E M M E D E

H A V T & puissant Seigneur

M O N S I E U R de Ferua-

ques, Marechal de France, &

Lieutenant pour le Roy en

Normandie.



A D A M E,

*L'Apotre aux Chap. 9. 4.
Hebrieux nous
enseigne que de-
dās l'arche de l'alliance il y auoit*

à ij

EPISTRE.

une cruche pleine de manne, & la verge d'Aaron. Dieu par là nous instruisant qu'il a pardeuers soy non seulement la nourriture de nos ames, mais aussi la correction de nos pechez: Et qu'il tient avec le pain de sa parole, la verge des afflictions: L'un qui nous nourrit, l'autre qui nous exerce: L'un qui nous instruit, l'autre qui nous redresse: L'un qui nous apprend à faire la volonté de Dieu, l'autre qui nous forme à renōcer à la nostre. Tous deux également effects de son amour. Car Dieu nous humilie par les afflictions, & picque l'enflure de nostre orgueil. Il nous taille & esbranche afin que nous rapportions davantage de fruiēt. Il nous saoule d'amertume en ceste vie afin que

EPISTRE.

nous aspirions à la vie future.
Car ceux que Dieu afflige grièvement en ce monde sortent du monde avec moins de regret. Et de fait si les Israélites sortis d'Egypte apres y auoir tant souffert neantmoins la regrettoient, & se sont souuent mutinez pour y retourner, combiẽ plus l'eussent ils regretté s'ils n'y eussent souffert aucune incommodité? Ioi-gnez à cela, que Dieu qui nous forme à le craindre cognoist que nos prieres sont froides & lasses en la prosperité, cõme procedantes d'un esprit alenti par le succez, & dictées par la coustume. Les cris que la seule volõté produit sont foibles au prix de ceux que le tourmẽt arrache. Il n'y a rien si fort que la necessité. Rien si ingenieux à biẽ prier.

EPISTRE.

que la douleur: laquelle forme en
 un instant les langues les plus
 tardiues à une sainte eloquen-
 ce, & nous fournit des souspirs
 qui ne se peuuent exprimer. Ce
 n'est donc point par cholere que
 Dieu nous afflige, mais pource
 que le peché est un espece de mal
 caduc Dieu nous frappe & tour-
 mente pour nous réueiller. Ses
 battures sont corrections pater-
 nelles. S'il nous traittoit autre-
 ment nous ne serions point ses
 enfans. Car si un homme voyât
 deux enfãs s'entrebattre en cha-
 stie l'un d'eux sans toucher l'au-
 tre, les assistãs sans le cognoistre
 presumēt que c'est son pere. Ain-
 si Dieu chastie comme ses enfans
 ceux qu'il embrasse d'un amour
 paternel: il cōmēce ses chastimēs
 par sa maisō. Que si Iesus Christ

EPISTRE.

mesme (comme dit l'Apostre) a
 appris obeyssance par les cho- Hebr. 5. 8.
 ses qu'il a souffertes, iacoit
 qu'il fust fils, cōbien plus deuōs
 nous ployer sous les corrections
 de nostre Dieu & nous humi-
 lier en sa presence? plustost que
 de regimber contre l'éguillon, ou
 rēdre les afflictions qui sont as-
 sez ameres d'elles mesmes enco-
 res plus ameres par impatience?
 Nul ne fera vn cheueu blanc de-
 venir noir par son souci, dit no-
 stre Seigneur Iesus : mais bien
 pourroit-il faire ses cheueux
 noirs deuenir blācs par vn cha-
 grin inutile. Il vaut tousiours
 mieux suiure qu'estre trainé: Sur-
 tout quand Dieu nous conduit :
 Car si le chemin par lequel il
 nous meine est espineux, si est-ce
 qu'il est droit.

EPISTRE.

Or quand ie passe de l'œil sur tous les remedes des afflictions, ie trouue qu'il y a trois choses qui peuuent addoucir la douleur, Le Temps, la Raison, La crainte de Dieu. Car la longueur du temps allége la tristesse, & fait une escare sur la playe, mesme és esprits plus mols & plus incapables de consolation. Mais la raison estime ce remede trop long & indigne d'un homme courageux, car c'est un pauvre remede que la lassitude de pleurer. La crainte de Dieu fait plus: car cōme pour appaiser la douleur la raison n'attend point le temps, aussi la crainte de Dieu n'attend point la raison: ains auant que la raison fournisse ses consolations tirees de la necessité inuitable des maux, ou de l'inutili-

ÉPISTRE.

té des pleurs, elle se resoult promptement sur l'amour de Dieu, lequel nous chastie pour nostre salut, en sorte qu'au lieu de ietter des plaintes elle trouue matiere d'action de graces, & nous forme non seulement à patience mais aussi à ioye, comme recognoissant parmy ses afflictions des tesmoignages de l'amour de Dieu.

Ces enseignemens, MADAME, vous sont d'autant plus familiers, que plus vous les auez experimentez, & que n'estant point apprentifue aux afflictions vous auez soigneusement recherché les lenitifs que la parole de Dieu nous fournit. Puis ceste sobriété & honnesteté qui reluit en vous, & vous a du tout esloigné de la vanité qui regne au-

EPISTRE.

*iourd'huy au monde vous a appris
à vous entretenir avec Dieu.
Mais aussi prenez garde de ne
vous laisser escouler à la tristesse,
& de faire la pieté nourrisse
du chagrin. Les douleurs inuete-
rées souvent se tournent en ha-
bitude, & les vieilles playes de-
viennent nouvelles à force d'y
auoir tousiours la main. Ce qui
me semble surtout mal cōuenable
à vostre naturel, duquel la
douceur & de bonnaireté agrea-
ble s'accorde beaucoup mieux a-
uec la ioye. Sera-il dit que ceste
grāde viucité d'esprit que Dieu
vous a donné ne vous serue qu'à
vous rendre plus sensible à la
douleur? Ou que Dieu vous ait
esleué en grandeur afin que vos
larmes tombent de plus haut? Le
temps qui allegé les maux des*

EPISTRE.

personnes les plus ignorantes ne
 pourra-il finir les souspirs d'une
 personne que Dieu a si fort enri-
 chi de sa cognoissance? Ne vaut-
 il pas mieux s'esjouyr des biens
 futurs qui sont grands & cer-
 tains, que de s'attrister des maux
 passez qui sont irremediabiles?
 En cela certes Dieu est offensé, si
 és maux humains nous trouuons
 plus d'occasion de tristesse, que
 de suiet de ioye és richesses ce-
 lestes. Et à tort nous nous plai-
 gnons de nos afflictions, puis que
 nous faisant du mal à nous mes-
 mes, nous confessons tacitement
 que Dieu ne nous a point assez
 affligé. Le Psalmiste dit voire-
 ment que Dieu serre nos larmes Ps. 56. 9.
 en ses vaisseaux, cōme vne chose
 precieuse, mais il parle des lar-
 mes néés de la repentance, ou du

EPISTRE.

marrissement de voir Dieu blasphemé & mesprisé entre les hommes. Car Dieu ne recueille point les pleurs obstinez, qui s'estendants outre les limites occupent le temps deu à la consolation. Combien de fois vous adonnant à la lecture avez vous arrosé de vos pleurs l'Escripture Sainte? & toutefois ce liure cōtient les causes de nostre ioye. Et au liure des Pseaumes de David dont vous aymez le chant, & encores plus les matieres, où vous voyés le pourtrait de vous mesme, & l'anatomie de vos affections interieures, n'aués vous point remarqué que tous les Pseaumes qui ont le commencement troublé & dōt les premieres lignes ne sont que souspirs precipitez & plaintes rompues, finissent

E P I S T R E.

*finissent en alegresse & en termes
qui tesmoignent le contentement
& la paix de la conscience ? Que
vos pleurs MADAME se forment
sur cet exemple, & se terminent
en ioye spirituelle. Que vostre foy
se releue sous le faix, & que les
escluses de l'affliction que Dieu lui
a opposées la facent couler avec
plus d'impetuosité: Qu'elle prenne
force de la resistance. A cela vous
servira la meditation des graces
de Dieu: lesquelles si vous mettez
en balance contre vos maux, elles
l'emporteront de beaucoup. La
seule attente de la gloire future
que vous apprehendez par foy, ne
peut-elle pas digerer toute sorte
d'amertume ? Ceste foy qui a peu
remplir de contentemēt les Mar-
tyrs au milieu des tourments pre-
sents, ne pourra-elle en nostre re-*

EPISTRE.

pos nous consoler contre la me-
 moire des maux passez ? Et vous
 qui recognoissez quelle est la ser-
 vitude des peuples qui sont trai-
 nez en perdition par les chaines
 inuisibles de l'opinion & de la
 coustume, pouvez vous assez ma-
 gnifier la grace que Dieu vous a
 faite vous honorant de son allian-
 ce & esclairant de sa verité ? Et
 mesmes en vostre vie combien
 d'assistances de Dieu ? combien de
 difficultez heureusemēt surmon-
 tées ? Dieu vous ayant donné d'e-
 stre en vostre famille seule exem-
 ple d'une constance & sainte per-
 severance en la profession de sa
 verité ? Vous ayant esleué en gran-
 deur afin que parmi la contradi-
 ction du monde, vous fussiez un
 exemple de fermeté ? Et quand
 mesme vos playes seroient plus

EPISTRE.

cuisantes, si est-ce qu'à les prendre au pis, nostre vie estât si briefue, elles ne peuuent durer long temps. Car vous n'estes point empeschée à chercher des consolatiōs contre la mort, puis que la mort mesme nous est vne consolation. Car si Dieu reçoit les sousspirs que nous ieltōs en la priere, beaucoup plus reçoit-il le sousspir qui luy rend nos ames en la mort. Laquelle estant vn lieu à couuert & qui met nos ames à sauueté, il faut non seulement attendre sa venue, mais mesme luy aller au deuant, & la rencontrer en chemin, hastant sa venue par nos desirs à l'exemple de S. Paul, qui dit que son desir tend à desloger, & estre avec Phil. 1. 23.
 Christ, Pour dire avec David,
 O! quand me presenteray-ie Ps. 42.
 deuant la face de Dieu? Car
ē ij

EPISTRE.

nos ames estant liées à nos corps de deux liens, dont l'un est volontaire. & l'autre naturel, si par la haine & mespris de la vie presente nous déliions le lien volontaire en attendant que Dieu rompe le naturel, la mort venant te trouuera la besongne encommencée & nos ames préparées à ceste dissolution.

Ces pensées MADAME, & autres semblables, vous ont serui iusqu'icy de consolation. Desquelles combien que vous soyez suffisamment pourueüe, & ayez chez vous quantité de remedes spirituels, neantmoins vous empruntez d'aillieurs des receptes : & auez estimé que ie pourrois contribuer quelque chose à vostre consolation. Et pour cet effect ayant ouy parler de quelques miës

EPISTRE.

sermons sur l'amour de Dieu, vous auez voulu user du pouuoir que vous auez sur moy, me les demandant par escrit, sçachant bien que contre les chagrins de ceste vie il n'y a point de diuertissement plus doux que l'amour de Dieu, ni de plus fort remede que la persuation qu'il nous aime. A cela i'ay reculé long temps, en partie par paresse aidée d'autres diuertissemens, en partie par crainte, redoutant vostre iugement, lequel deuant de bien loing les esprits ordinaires ne se paist point de viande vulgaire. En fin apres vn long delay ne pouuant plus resister à vos prieres instantes, lesquelles me sont commandemens, i'ay laissé sortir en public ce discours souz l'ombre de vostre nom, afin que ses imperfections
ē iiij

ÉPISTRE.


vous soyent aussi imputées, & que vous en portiez une partie du blâsme, comme ayant aydé à un enfantement lequel ne deuoit point voir la lumiere: Mais moy ie seray aisément excusé, comme vous ayant obey. Car ce me sera tousiours honneur d'exécuter vos commandemens, & de m'employer à vous rendre tres-humble seruice, comme vous estant

MADAME,



Tres humble & tres-obeyssant seruiteur,

P. DV MOVLIN.



Si quelcun rimprime ce traicté,
l'Auth eur prie que ce soit sur ceste
edition , laquelle il a reueuë &
augmentée.


CHAPITRE PREMIER.

DV VRAY ET DV FAUX

amour.

L'Amour est la pointe de nos esprits: par là ils s'attachent aux objets. Ce qu'est le poids aux choses pesantes cela mesme est l'amour à nos ames. Car comme le poids meut les corps terrestres vers le lieu de leur repos, aussi l'amour meut nos ames vers vn objet qui promet du repos & du contentement. Dont s'ensuit que comme les choses pesantes se meuvent en droite ligne vers le lieu de leur repos, aussi si nous voulons paruenir à vn vray repos, il faut que nostre amour

A



DE L'AMOUR

aille droit, & que son mouue-
soit reiglé.

*VII. rai-
sons pour
lesquel-
les l'a-
mour de
Dieu est
le seul
vray
amour.*

I. Le vray amour donc est ce-
luy qui donne repos & con-
tentement à l'ame: au lieu que
le faux amour est vne agitatio
déréglée & vn mouuement
sans bout. Tel est l'amour mō-
dain, qu'on void rempli d'in-
quietude, & n'arrester son agi-
tation que par la lassitude ou
par le desespoir: ce qui n'est pas
vn repos, mais vne impuissan-
ce de se mouuoir: lors que les
forces faillantes la conuoitise
continuë, semblable à vn che-
ual attaché qui rōge son frein.
Tels sōt quasi tous les hōmes.
Ils ont beaucoup de desirs
& peu de force. Ils desirent le
plus ce qu'ils peuuent le moins:
ne pouuans ni obeir, ni com-

mander à leur conuoitise. Ils ne peuuent luy obeir à cause de leur foiblesse, ni luy commander à cause de leur incontinence. Que si quelqu'un iouit sans empeschement de ce qu'il aime, la facilité mesme luy apporte du degoust: car l'amour mondain s'allume par la resistance; & se nourrit par la difficulté: semblable aux poissons qui s'aiment és torrens & és bouillons des escluses, mais meürēt en l'eau coye.

La cause de ceste inquietude est pour ce que nostre amour choisit des faux obiects, & qui ne peuuent assouuir la cōuoitise. Car si vous passez del'œil tout ce qu'il y a de plus beau & de plus souhaitable en la terre, vous n'y trouuerez aucun

DE L'AMOUR

ferme repos ; ains des soucis enchainez, vn tissu d'inquietude perpetuelle. Les plus grandes douceurs sont confites en amertume. Des plaisirs, des richesses, des honneurs, l'acquisition est penible , & plusieurs se rompent le col en chemin. La possession en est incertaine & la perte certaine. Si ces choses ne nous laissent par quelque accident nous les laisserons par la mort. Ce sont choses qui arriuent non seulement aux meschans, mais mesme à cause qu'ils sont meschans, estans fallaires proposez à la meschanceté. Butter sō amour vers ces choses , c'est pourchasser le vêt, & se tailler vn trauail perpetuel. Car quand mesmes ces choses seroient tousiours bō-

nes si sont elles incertaines. On ne peut prendre vne vifce affeuree sur vn oiseau passant, ni auoir des desseins affeurez en vifant apres les biēs & plaisirs transitoires. Il faut donc chercher son repos ailleurs qu'en la terre, & tourner vers le Ciel la pointe de nostre amour. Car tout ainsi que la partie basse de la region elementaire est le lieu des vents & des tempestes & des tremblemens de terre, mais la partie prochaine des cieux est toujours trāquille & paisible: ainsi nostre amour fera toujours plein d'inquietude pendāt qu'il s'attachera aux choses basses, mais il trouuera repos s'il esleue sa pensee vers le Ciel, & vers les promesses

DE L'AMOUR

de Dieu. Et c'est pourquoy au milieu des tourmentes de la mer l'éguille du quadran demeure tousiours immobile & arrestee sur vn point , pource qu'elle se gouuerne selon le Ciel. De mesmes l'ame du fidele au milieu des confusions de ce monde & des afflictions plus grièues iouïra d'un repos asseuré, pource que son amour vise au Ciel, & s'arreste sur les promesses de Dieu : lequel est le vray obiet de nostre amour, seul souverainement aimable: seul qui nous peut rendre aimables en nous aimant. Seul qui peut; voire qui veut rendre heureux ceux qui l'aimēt: Comme dit l'Apostre S. Paul. *Ce sont choses qu'oeil n'a point veues, ny oreilles ouyes, & qui ne*

sont point mōtées en coeur d'hom- I. Cor. 2.
me, que Dieu a preparées à ceux vers 9.
qui l'aiment: Aussi il promet en
S. Iean, de venir à celui qui l'ai- Iean 14.
me & faire demeure chez luy: v. 23.

Amour admirable, qui fait nos
ames estre le palais du Roy des
cieux, & le Sanctuaire de son
Esprit.

2. La Philosophie mesme
nous y meine sans y penser:
Car elle pose pour maxime
generale, que Dieu & la natu-
re ne font rien en vain. Or ce
desir infini, cet appetit insatia-
ble qui est en l'homme seroit
en vain s'il n'y auoit quelque
chose pour le contenter. Cela
ne se trouuant point en la ter-
re il le faut chercher au Ciel, &
par deuers Dieu; lequel est vn
bien infini.

DE L'AMOUR

3. Ioignez à cela que Dieu ayant creè le monde pour l'usage de l'homme, a sans doute creé l'homme pour quelque chose meilleure que le monde à sçauoir pour Dieu mesme.

4. Et qu'entre tous les animaux Dieu a creé l'homme seul à son image, seul la stature droite & le visage en haut, afin qu'il aimast celuy dont il porte la semblance, & que son desir & son amour visast vers les choses celestes.

5. Adioustons que la perfection de nos esprits ne peut estre qu'en l'vnion avec le premier des esprits, lequel communiqué ses biens à la creature en mesme façõ que le Soleil nous enuoye ses rayons, c'est à dire les donne en sorte

qu'ils dependent encores de luy après les auoir donnez.

6. D'abondât le vray amour est celuy qui transforme l'aimant en la chose aimée. Or si vn homme difforme aime vne beauté corporelle, iamais par cet amour il ne corrigera son imperfection: Au contraire en aimant Dieu nous deuenons semblables à luy, & comme dit l'Apostre en la 2. aux Corinthiens chap. 3. *Contemplant comme en vn miroir la gloire du Seigneur à face descouuerte, nous sommes transformez en la mesme image.*

7. Finalement la beauté estant la premiere alumette d'amour: nous verrons ci dessous que ce que nous appellons beauté ne l'est pas : ains vne

DE L'AMOUR

couleur superficielle qui cou-
ure de l'ordure. Mais que la lu-
miere est la vraye beauté. Dieu
donc estant la premiere lumie-
re & le Pere des lumieres, est la
premiere beauté. Et par conse-
quent celuy qu'il faut premie-
rement aimer.

Toutesfois la Philosophie
humaine discorde icy en vn
point d'auec la diuine qui est
la Parole de Dieu: Car la Phi-
losophie naturelle tient que le
mouuement naturel est tou-
siours meilleur que celuy qui
est contre nature. Au contrai-
re en matiere d'aimer, la Paro-
le de Dieu nous enseigne que
l'amour contraire à nostre na-
ture est meilleur que le natu-
rel. Car depuis que Satan en
seduisant Adam a defiguré en

l'homme l'image de Dieu, les desirs de l'homme se sont tournez vers le monde, & par maniere de dire nostre amour a esté precipité du Ciel en terre: *L'affection de la chair est inimitié* Rom. 8.
contre Dieu: Si quelqu'un aime Dieu ce n'est point de sa nature, mais c'est vn don de Dieu. Pourtant nostre Seigneur Iesus au 8. de S. Iean dit que *nul ne peut venir à luy si son Pere ne le tire*. Et l'Apostre S. Paul nous arrachant de la fange & des délices gluantes nous commande de *chercher les choses qui sont en haut*. Car la sentence de l'Apostre S. Iean est tres veritable, que *Nous dimons Dieu* Coloss. 3. v. 1. &
d'autant que luy premier nous aime. 2. Cecy donc est aussi vn 1. Ep. c. 4. v. 19.
des effects de l'amour de Dieu

DE L'AMOUR

enuers nous , à sçauoir nostre amour enuers luy. Et n'y a riẽ que nous deuions demander à Dieu avec plus d'ardeur que la grace de l'aimer. Car c'est au fidèle vn gage que Dieu l'aime. C'est le premier effect de la foy. C'est le traict le plus exprès de l'image de Dieu. C'est la plus viue marque des enfans de Dieu. Cet amour est l'ame des autres vertus , la reigle de nos actions, le sommaire de la Loy. Cet amour est le soustien des martyrs , l'eschelle des cieux , la paix de la conscience : I'ose dire que c'est vn goust & vn commencement de l'vnion & communication que nous aurons avec Dieu au Ciel. Nostre meditation ne peut choisir vn plus excellent sujet:

fujet : Car qui a-il ou de plus grand que Dieu , ou de plus doux que son amour? Le profit aussi n'est pas moindre que la douceur : car les hommes sont bons ou mauuais , non pour ce qu'ils croient , mais pource qu'ils aiment. Ceux là sont bons qui aiment les choses bonnes; & entre les choses bonnes qui a-il de semblable à Dieu ? lequel non seulement est souuerainement bon, mais aussi lequel rend bons ceux qui l'aiment? Trauaillōs donc à cela , & soyons disciples du S. Esprit , lequel est l'amour mesmes, & lequel formera nos cœurs à aimer. De peur que nous ne soyons abusez sous ce nom d'amour : Et ne prenions pour le vray amour vn

*Aug. En
chir. a
Laur. 117.*

DE L'AMOUR

amour corporel, vne demangeaison importune, vne alteration fiévreuse : c'est à dire le dernier des vices pour la premiere des vertus: vne maladie brutale pour vne perfection Angelique.

Je sçay voirement que celuy qui se disposera à aimer Dieu de tout son cœur & à postposer toutes autres consideratiōs à son seruice, encourra necessairement la haine du monde : l'amour duquel est inimitié cōtre Dieu, cōme dit l'Apostre S. Iaques. Mais Dieu fera que le monde en nous

Iaq. 2.

ch. 4. v.

4.

Rom. 8.

haïssant nous profitera. Car
(dit l'Apostre) *Toutes choses aident ensemble en bien à ceux qui aiment Dieu.* Les maux leur deuient biens, les afflictions

corporelles leur sont exercices spirituels. Les maladies du corps leur sont medecines pour lame. Car ē la main de ce souuerain Medecin les poissōs mesmes deuiennent medecines, les coups sont cōme baume ce dit Dauid: & es souffrances pour la cause de Dieu il y a non-seulement matiere de patience, mais mesmes occasion de gloire: ce sont cicatrices au front, flestrisseures honestes, confirmitiez à Iesus-Christ, liurées du soldat Crestien. Le tout par le soustien de cet amour, duquel la douceur temperē ceste amertume & nous fait esjouir pour son Nom.

Quelqu'un dira que cest voirement vne vertu excellente que l'amour de Dieu:

*Psa. 141.
ver. 5.*

DE L'AMOUR

mais que pour l'aimer il le faut
cognoistre au parauant:& que
nous ne le pouuons cognoi-
gre en ceste vie, sinon d'une
cognoissance fort petite & ob-
scure, Cela est veritable. Mais
pour cela il ne faut laisser de
nous y estudier : Il ne faut
point que l'ignorance nous
soit cause de negligence. Car
nous ne sçaurions auoir si peu
de vraye cognoissance de Dieu
qu'elle ne nous profite, & qu'elle
ne réueille en nous l'amour
de Dieu. Vn seul rais de ceste
lumiere vaut mieux que le So-
leil entier. Il vaut mieux auoir
une cognoissance de Dieu ob-
scure que bien claire des cho-
ses naturelles. Si vn seul rayon
du Soleil se verse dedans vn
cachot obscur, le prisonnier

par cet eschantillō recognoist
la beauté de la lumiere. Ainsi le
peu que nous auons de co-
gnoissance de Dieu est suffi-
sant pour nous en faire gouter
l'excellence, & nous embraser
en son amour. Qui plus est, la
cognoissance que Dieu nous
donne de soy mesme n'est
point si petite qu'elle ne soit
suffisante à salut: Et les obli-
gations que nous auons à la
bonté de Dieu (causes de no-
stre amour) nous sont pleine-
ment représentées en la paro-
le de Dieu, ou l'Apostre S. paul
herault de ceste parole dit, que
nous est annoncé tout le conseil de Act. 20.
27.
Dieu.

CHAP. II.

*Cinq degrez de l'Amour
de Dieu.*

NOVS sommes si incapables de l'Amour de Dieu, que mesme nous ne sçauons pas que c'est que de l'aimer: Ceste herbe ne croist point en nostre iardin. C'est vn dō d'en-haut venant du pere des lumieres, lequel est l'amour & charité mesmes, comme dit S. Iean. C'est vne liqueur que Dieu verse en nos ames à petites gouttes & comme en des vaisseaux qui ont la bouche estroitte. C'est pourquoy pour nous accommoder à nostre

tardiueté, nous tascherons de le verser en nos esprits petit, petit, & par petits degrez nous amener au souuerain degré d'amour.

Il y a cinq degrez de cet amour: Dont les plus bas estâts les plus imparfaicts seruēt toutesfois à s'esleuer aux plus hauts.

I. Le premier degré est d'aimer Dieu à cause du bien qu'il nous fait, & que nous esperons receuoir de luy.

II. Le deuxième degré est de l'aimer à cause de soy-mesme, à cause qu'il est souuerainemēt excellent & souuerainement aimable.

III. Le troisiéme est de non seulement aimer Dieu par dessus toutes choses, & plus que

DE L'AMOUR

foy-mesme ; mais aussi de n'aimer chose au mode que pour l'amour de luy.

IV. Le quatrième est de se haïr foy-mesme pour l'amour de Dieu.

V. Au dessus de tous lesquels degrés est l'amour duquel nous aimerons Dieu en la vie future : Amour qui embrase les Saints & les Anges, lesquels assistent devant le throsne de sa gloire.

Nous appellons ces sortes d'amour degrés & non especes, pource que les degrés plus hauts contiennent les inférieurs, tout ainsi que la souveraine blancheur differe des blancheurs moins claires non point en espece de couleur, mais en degré. Degrés qu'il

nous faut remonter , & sur
chascun d'iceux arrester vn pe-
tit nos esprits.

Premier degré.

LE premier & plus bas de-
gré est d'aimer Dieu à cause ^{Ai mer}
^{DIEU} du bien qu'il nous fait. Sur ce de-
gré d'amour estoit le Roy Da-
uid quand au Pseau. 116. il dit, "
J'aime l'Eternel pource qu'il a e-
xaucé ma voix, & ainsi au Pseau.
18. Car Dieu veut estre aimé
en nous biẽ faisant. C'est Dieu
qui nous à faits : qui nous gar-
de & conduit : qui nourrit nos
corps : qui instruit nos a-
mes : nous rachete par son Fils,
nous gouuerne par son Esprit : ^{Ieh. 15. 15}
^{& chap.} nous enseigne par sa parole : ^{17. v. 17.}
Nous fait ses seruiteurs , voire

DE L'AMOUR

ses amis, voire ses enfans, voire vn avec luy-mesme. Platon Philosophant de la grace de Dieu selon sa portée le remercioit de trois choses. 1. De ce qu'il l'auoit créé homme & nō beste. 2. De ce qu'il l'auoit fait naistre Grec & non barbare. 3. De ce qu'entre les Grecs il l'auoit fait estre Philosophe. Nous qui sommes instruits en vne meilleure eschole distribuons autrement nos actions de graces, & le remercions de ces trois choses. 1. Qu'entre toutes ses creatures il nous a faits hommes, créés à son image. 2. Qu'entre tous les hōmes il nous a fait estre Chrestiens. 3. Qu'entre ceux qui portent le tiltre de Chrestiens il nous a fait estre vrais fidèles.

Adioustez si vous voulez le quatriéme, qu'il nous a adoptez & esleuz en son filz, deuant la fondation du monde: ayant eu soing de nous, non seulement deuant que nous fussiôs, mais mesme deuant que le monde fust fait. Car si la femme nouuellement enceinte aime ses enfans futurs, beaucoup plus quand ils sont nez, & l'embrassent. Ainsi si Dieu nous a aimez auant que nous fussions, combien plus quand nous l'inuoquons & l'aimons d'amour filiale? Or en ceste grace, plus nostre nombre est petit, plus grand est ce priuilege, plus grande sa bonté & misericorde enuers nous: d'estre comme peu de voyans parmi vne foule d'aveugles; comme

DE L'AMOUR

la portion de Iacob en Egypte
seule esclairée au milieu des
tenebres qui couuroyent tou-
tel'Egypte : comme la toison
de Gedeon, seuls arrosés de sa
benediction pendant que le
reste de la terre est sec & desti-
tué de sa grace. Dieu nous a
enuironnez d'exemples d'a-
ueuglement, afin que nous fa-
ciõs plus de ças de la lumiere;
& auanciõs au chemin de salut
pendant qu'il fait iour , pen-
dant qu'il nous esclaire par sa
parole.

Toutes ces graces dépen-
dent d'une grace souueraine
qui est nostre reconciliation
avec Dieu par la mort de Iesus
Christ, c'est luy qui est le canal
par lequel les graces de Dieu
découlēt iusques à nous. C'est
l'eschelle

l'eschelle de Iacob qui ioint la terre au ciel, qui reioint l'homme avec Dieu. Les Anges montans par ceste eschelle signifient nos prieres, les Anges descendants signifient les benedictions de Dieu. Iacob dormant au pied de ceste eschelle represente le repos de nos consciences souz l'ombre de son intercession. Car auparauant quelque part que l'homme tournast les yeux il ne voyoit que sujet de crainte & d'estonnement. S'il regardoit Dieu, il voyoit vn feu consumant, vne souueraine iustice armée contre les pecheurs: S'il regardoit la Loy, il y voyoit l'arrest de sa condamnation. Si le ciel, il disoit, ti'en suis forclos par mon peché. Si le monde, il y voyoit

DE L'AMOUR

l'empire sur les creatures dont il estoit décheu. Si soy mesme, mille infirmitéz corporelles & spirituelles. Es signes du ciel,és tremblemens de terre il estoit saisi de tremblement & d'apprehension. Puis Satan, la mort, les enfers sont des ennemis qui ou le tiroient en perdition, où le gehennoiēt par l'attente. Mais maintenant tout homme qui a vne vraye fiance en Iesus-Christ regarde toutes ces choses d'un tout autre œil, & change du tout de langage. S'il regarde Dieu il dira, c'est mon Pere qui ma adopté en son fils. S'il pense au siege iudicial du dernier iour il dira, Mon frere aîné est assis dessus, & celuy qui est mon iuge est aussi mon aduocat. S'il pense

aux Anges, il dit, ce sont mes
gardiens, Hebri. Psal. 34. S'il re-
garde le ciel il dit, c'est ma mai-
son. S'il oit tonner d'en haut il
dit, c'est la voix de mon Pere.
S'il considere la Loy, il dit, le
fils de Dieu l'a accomplie pour
moy. S'il est en prosperite en la
terre, il dira, Dieu m'a reserue
encores de plus grands bien.
S'il est en aduersite, il dira, Je-
sus-Christ en a souffert pour
moy beaucoup d'auantage.
Dieu m'exerce, ou m'espreuue
ou me corrige, ou mesme
m'honore, me rendant con-
forme à son Fils. S'il pense au
diable, ou à la mort, ou à l'En-
fer, alors sur tout il triõphera,
disant avec l'Apostre, O mort 1. Co. 15.
*où est ta victoire, ô sepulchre où
est ton éguillon: Graces à Dieu qui*

DE L'AMOUR

nous a donné victoire par Iesus-Christ nostre Seigneur. Si ces choses bruyent ou bourdonnent comme mouches irritées, si ont elles perdu leur aiguillon. Si le serpent ancien nous picque le talon, si a-il la teste brisée. Si le Diable par les persecutions nous donne vne faulxe alarme, si sommes nous à Iesus-Christ lequel nous à achetez & nul ne nous arrachera de sa main. Qui craindra ayant vn tel garent qui non seulement intercede pour les pecheurs, mais qui de pecheurs les rend iustes? Qui non seulement plaide pour vne mauuaise cause, mais qui de mauuaise la rend bonne? pource que nō seulement il prie, mais aussi paye pour nous? tellement que nous pardonner n'est pas seu-

lement vn œuvre de sa miséricorde, mais aussi vn effect de sa iustice?

Ces obligation à aimer Dieu sont communes à tous fidèles: Mais i'estime que si chascun de nous veut repasser le cours de sa vie & r'appeller en sa memoire les iours passez, qu'il n'y a aucun de nous qui n'y reco-
gnoisse outre ces benefices cō-
muns, des tesmoignages particuliers du soing & de l'amour de Dieu enuers luy. Des deli-
rances de diuers dangers: des
ouuertes inespérées. Des
afflictions salutaires: Nos des-
seins trauersés, mais pour no-
stre bien. Des moyens extra-
ordinaires pour nous amener
à sa cognoissance. Sera-il dit
que les benedictions de Dieu

DE L'AMOUR.

auront pleu sur le sable , sans nous rēdre plus fertiles à bien faire? Serons-nous semblables aux bestes qui boient au ruisseau sans pēser à la source? sans esleuer nostre pensee iusques à Dieu source de toute benediction?

Cependant quand nous disons que Dieu nous fait du biē afin que nous l'aimons: ce n'est pas qu'il ait affaire de nostre amour. Mais en nous voulant sauuer il veut aussi que nous l'aimions , pource qu'il est impossible d'estre sauez en le haïssant. Qui plus est cela mesmes que nous l'aimons est vne partie de ses dons ; car c'est luy qui allume en nous son amour. Dieu ne donne pas seulement les biens , mais donne aussi la

grace de les demander, la main pour les apprehender, la grace d'en bien vser: la vertu de l'en glorifier, en sorte que nous recognoissions luy deuoir non seulement ses biens, mais aussi nous mesmes. Dieu fait du biẽ aux indignes , mais il les rend dignes en leur bien faisant: Ses biẽs spirituels sont de telle nature qu'ils transforment ceux qui les reçoient.

Ce premier degré d'amour estant sainct & necessaire, n'est toutefois qu'un commencement de l'amour de Dieu , & comme un premier crayon de la vraye pieté. Car celuy qui n'aime Dieu que pour son profit ressemble aux petits enfans qui ne prient Dieu que pour desieuner: & à proprement par-

DE L'AMOUR

ler ils n'aiment pas Dieu, mais eux-mesmes. Tel amour, s'il ne passe plus avant, est vn amour mercenaire, voire iniurieux à Dieu : car on presume tousiours que la fin est meilleure que les choses qui y tendent. Si d'óc l'amour de Dieu a pour fin nostre vtilité, nous mettons nostre profit par dessus Dieu, & faisons nostre interest plus excellent que son seruice. Que celuy donc qui est paruenue à ce premier degré d'amour, s'il ne passe plus avant, sçache que Dieu nous oblige beaucoup s'il pardonne à cet amour de Dieu qui n'est fondé que sur l'amour de nous mesmes. Pour tant il faut monter plus haut & venir au deuxième degré.

Deuxième degré d'amour
de Dieu.

LE deuxième degré d'a- *Aimer*
mour de Dieu est l'ai- *Dieu*
mer non seulement pour *pour l'a-*
l'amour de nostre profit, mais *mour de*
aussi pour l'amour de luy mes- *soy mes-*
me. C'est à dire, que mise à *me.*
part toute la consideration de
ses benefices, & quand mesmes
nous n'en espererions aucun
profit, neantmoins l'aimer par
dessus toutes choses. Dauid
parloit de cet amour au Pseau.
5. *Que tous ceux (dit-il) qui ai-*
ment ton Nom se resjouissent. Il *Et Ps. 69*
uer. 37.
veut que nous aimions Dieu à
cause de son Nom, c'est à dire,
pource qu'il est Dieu souue-

DE L'AMOUR

rain, sage en ses conseils, iuste en ses actions, veritable en ses promesses, habitant vne gloire inaccessible, possédât vne souveraine perfection; Dieu dont la vie est sans commencement, la durée sans fin, l'éternité sans changement, la grandeur sans mesure, la puissance sans résistance. Qui a fait le monde par sa seule Parole, le gouverne par sa veüe, le ruinera par sa volonté. Qui en vne seule vertu & perfection laquelle est son essence, encloist toutes les vertus qui sont esparées és creatures, comme diuerses lignes qui s'vnissent en vn point, lesquelles s'escartent tant plus qu'elles s'esloignent du centre. Pour ces considerations Dieu doit estre aimé plus que

pour le bien qu'il nous fait. Iesus-Christ mesme nous l'en-
seigne en l'Oraison Dominica-
le, en laquelle il veut que nous
demandions la sanctification
de son Nom & l'auancement
de son regne, auant que rien
demander pour nostre vtilité.
Desir qui a tellement possédé
l'esprit de Moyse & de l'Apo-
stre S. Paul, que s'oublians eux-
mesmes ils ont desiré d'estre
plustost rayez du liure de Dieu
& estre faits anathème, afin que
Dieu fust glorifié.

Pour donc planter en nous
cet amour qui aime Dieu pour
l'amour de soy-mesme, il est
necessaire de recognoistre au-
tant que nous pouuons quel il
est en soy, & pourquoy souue-
rainement aimable.

DE L'AMOUR.

Nous aimons naturellement la beauté , or la lumiere est la premiere des beautez, sans laquelle toutes autres beautez ne different rien de la laideur. Dieu donc estant la premiere lumiere, est necessairement la premiere beauté. Il est *le pere des lumieres* dit S. Iaques. *Source de vie gist en luy & par sa clarié nous voyons clair*, ce dit Dauid au Psaume 36. Pour ceste cause en mettant la main à l'œuvre en la creation il a commencé par la lumiere, comme par ce qui represente mieux sa nature. Il est le Soleil de iustice. Soleil qui ne se couche point: Soleil qui ne fait point d'ombre: auquel toutes choses sont transparentes : qui non seulement esclaire les yeux, mais les donne,

ne. Et iugés qu'elle est ceste *Ps. 146. 8*
souueraine clarté, puis que les
Seraphins assistans deuant le
throsne s'y éblouissent, & cou-
urent leurs faces de leurs ailes,
comme dit Esaye, ne pouuans
supporter vne si grande splen- *Es. 6. 2.*
deur: Que si à l'apparition glo-
rieuse de l'humanité de Iesus-
Christ le Soleil s'obscurcira cō-
me vne petite lumiere à la ve-
nuë d'une plus grande, quelle
peut estre la splendeur de sa di-
uinité?

Si vous regardez à la vie
de Dieu, la nostre n'est qu'une
ombre & vn rien en compa- *La vie de*
raison. Car nostre vie est vn *Dieu.*
flux, & vne succession de par-
ties. Mais Dieu possède sa vie
toute entiere en vn instant &
toute à la fois: Celuy qui veut

D

DE L'AMOUR

ſçauoir que c'eſt que la vie de Dieu au prix de la vie de l'hōme, qu'il compare la mer avec vn petit ruiſſeau. 1. La mer eſt fort grande & le ruiſſeau eſt fort petit. 2. La mer ne bouge de ſon lieu, mais ce ruiſſeau coule, & c'eſt touſiours vne nouuelle eau. 3. L'eau de la Mer ne vient point d'ailleurs, ains toutes les eaux courantes viennēt de la Mer & y retournent. Il eſt le meſme de la vie de Dieu comparée avec la noſtre. 1. Sa vie eſt infinie & la noſtre fort courte. 2. Sa vie conſiſte en repos & à poſſeder toute ſa vie en vn inſtant, mais noſtre vie eſt vn flux & ſucceſſion de partie. 3. ſa vie ne vient point d'ailleurs, mais noſtre vie vient de luy. Act. 17. verſ. 28. & ſ'en retourne à luy

comme dit Salomon au 12. de
l'Ecclesiaste, *La poudre retourne
en terre comme elle y auoit esté*
l'Esprit retourne à Dieu qui l'a don-
né.

Science

La science de Dieu est aussi
vn abyfme : il cognoit toutes
choses , mesmes celles qui ne
sont pas. Les choses passées ne
luy sont pas passées : Les futu-
res luy sont presentes. Il sonde
les cœurs : il voit à trauers le
manteau de l'hypocrisie. Nous
regardons les choses l'vne a-
près l'autre , mais luy les void
toutes d'vn seul regard : cōme
si quelqu'vn estoit tout œil il
verroit sans se tourner tout ce
qui est autour de soy. Nous
voyōs les choses pource qu'el-
les sont: Au contraire les cho-
ses sont pource que Dieu les

DE L'AMOUR

void : car en Dieu voir est autant que vouloir : & son vouloir est faire. Pour cognoistre les choses nous les regardons, mais Dieu pour cognoistre les choses se regarde soy-mesme, pource qu'il a en sa sagesse les modèles de toutes choses , & en sa volôté les arrests de tous les euenemens.

*sa Sain-
cteté.*

Combien aussi est admirable sa Saincteté? Elle passe infiniment la saincteté des Anges & des Saints. Comme il est dit au liure de Iob, chapitre 15. *Voicy il ne s'assure point sur ses Saints & les cieux ne se trouuent point purs deuant luy. Combien plus est abominable & puant l'homme qui boit l'iniquité comme l'eau?* Tout ainsi que l'Ecriture sainte appelle le Ciel souverain *les cieux des cieux*, pource qu'il encloist les cieux inferieurs : aussi elle appelle Dieu

le Sainct des Saincts, pource que sa Saincteté encloft celle de tous les saincts comme infinement inferieure. La saincteté des creatures est vne qualité, celle de Dieu est sa substance. Dieu est Sainct de soy mesmes, mais les hommes & les Anges ne sont saincts que pource que Dieu les a sanctifiez.

Aussi est-il iuste de toute autre façon que les hommes. *Sa iustice.*

Les hommes sont iustes en tant qu'ils font choses iustes; en Dieu c'est le rebours, car les choses sont iustes pource que Dieu les fait : Car il est la iustice mesme: Pourtant il est iuste nō pour autre cause que pource qu'il fait selon sa volonté. Selon laquelle il nous a donné sa Loy reigle parfaicte de iusti-

DE L'AMOUR

ce ; laquelle non seulement il met deuant nous , mais aussi l'escriit dedans nous, & l'engrauue de son doigt dans la pierre: comme il nous promet au 31. de Ieremie. *Je mettray ma Loy dedans eux & l'escriray en leur coeur.* Il aime iustice & verité. *Il hait les ouuriers d'iniquité, il exterminé les menteurs, il hait l'homme de sang & le trompeur.* Ps. 5.

Sa bonté.

Que dirons nous de sa bonté , par laquelle il aime ceux mesme qui le haïssent ? par laquelle il fait leuer son Soleil sur les bons & sur les mauuais ? Par laquelle il fait pleuuoir ses biens mesmes és bouches ouuertes pour le blasphemer ? Sur tout ceste bonté infinie reluit en la personne de son fils. Ce fils tellement engendré de

toute eternité qu'il l'engendre
encores maintenant : fils sans
commencement de temps, fils
de mesme aage que son Pere:
parole essentiele, sagesse eter-
nelle, Dieu benit eternellemēt. *Es. 9.*

Ce fils qu'Esaye appelle le Pe-
re de eternité a voulu estre fils
de l'homme, afin que nous fus-
sions enfans de Dieu. Il a vou-
lu naistre en vn estable, afin
que nous fussions receuz au
ciel : naistre parmi les bestes,
afin que nous fussions compa-
gnons des Anges. Luy qui est
la parole mesme, à voulu be-
gayer en enfant, afin que nous
peussions parler à Dieu en tou-
te liberté. Luy qui est le pain
de vie, a voulu auoir faim, afin
que nous fussions rassasiés. Luy
qui est la fontaine de vie a vou-

DE L'AMOUR

lu auoir soif, afin que nos ames
fussent desalterées. Bref celuy
mesme qui est la vie a souffert
la mort ; afin de nous donner
la vie. Tout cela pour des créa-
tures viles , voire ennemies de
Dieu , afin de les faire d'escla-
ues de Satan ses enfans : les
transporter de l'enfer en son
Royaume. Ce sont les abyf-
mes de la bonté de Dieu, abyf-
mes qui engloutissent douce-
ment nos esprits, il y a du plai-
sir à s'y perdre : car ce sont les
abyfmes de la grace de Dieu,
qui passent nos entendemens,
mais recréent nos cœurs : qui
donnent matiere d'admira-
tion, mais non moins de sujet
de consolation. Icy sont les
souuerains tesmoignages de
son amour : icy se déploient

toutes ses affections paternelles, toutes les richesses de ceste grace que les Anges mesmes admirent, & cōme dit S. Pierre, *ta schent à y regarder iusques au fonds*: aimants en cet endroit la bonté de Dieu non pour leur profit, mais à cause de Dieu mesmes: car Iesus-Christ n'est point venu au monde pour leur redemption.

Or à quelle fin ces choses, sinon afin que nous aimions celuy qui nous a tant aimés, & admirions avec ioye les thresors de sa grace? O Dieu comme ta grandeur est incomprehensible, aussi ta bonté est infinie: Nos esprits se rebouchent à ceste contemplation: Nos paroles sont au dessous de nos pensées, & nos pensées enco-

DE L'AMOUR

res plus au deffous de la vérité. Nous parlons de ta grandeur en begayant: nos loüanges t'abaissent nous peignons le Soleil avec vn charbon. Mais ô Dieu esleue nos cœurs à toy: & si nos esprits sont incapables de te cognoistre rēd au moins nos affections ardentes à t'aimer. Toy qui nous as voulu estre pere touche nos cœurs d'une affection filiale. Toy qui nous donne occasion de t'aimer donne nous en aussi les mouuemens. Car autant que nous sommes pauvres en biēs, autant sommes nous incapables de les receuoir, & de t'aimer après les auoir reçeus, si toy-mesme ne plantes en nous ton amour.

Toutes ces considerations

esleuent nos esprits à aimer Dieu , non pour l'amour de nous , mais pour l'amour de luy. Ce qui appert aussi par ce que nostre amour enuers Dieu ne peut estre bien reiglé , s'il n'est formé sur le modèle de l'amour que Dieu nous a porté. Or Dieu nous aime pour l'amour de soy-mesme: Comme il dit par Esaye. *C'est moy, c'est moy* Cha. 43.
qui efface tes pechez pour l'amour de moy. Et c'est la priere que fait daniel au 9. chapitre. *Seigneur exauce, Seigneur pardonne, Seigneur ne tarde point pour l'amour de toy-mesme mon Dieu: car ton nom a esté reclamé sur ta ville & sur ton peuple.* Dieu considere que nous portons son image: Il considere que nous sommes indignes de ses biens, mais que c'est chose digne de sa bonté de faire du bien aux

DE L'AMOUR.

indignes, & qui plus est les faire dignes en leur bien faisant. Il considere son Eglise comme
Osee. 2. vn troupeau qui porte son nō & est appellé peuple de Dieu, & pourtant il ne veut pas qu'elle soit la proye de Satan ni matiere de triōphe aux aduersaires.

Troisiéme degré d'amour de Dieu.

*N'aimer
rien que
pour l'a-
mour de
Dieu.*

LE troisiéme degré est de tellement aimer Dieu par dessus toutes choses, que mesmes nous n'aimions rien au monde que pour l'amour de luy. Pour exemple il y a plusieurs personnes & plusieurs choses au monde que nous ne pouuons nous empescher d'aimer

mer: & mesmes ce seroit mal fait de ne les aimer point. Ainsi vn pere aime ses enfans, vne femme son mari. Nos parens, nos alliés, nos voisins, & amis ont part à ceste amitié. Ainsi vn homme aime sa santé, sa maison, ses terres, ses estudes, &c. Vouloir dépoüiller vn homme de l'amour de ces choses, seroit vne doctrine inhumaine & au dessus de la brutalité. *Celuy est pire qu'insidèle qui n'a soing de sa famille*, dit l'Apostre. La pieté n'arrache point ces affections, mais les cultiue: & de maistresses qu'elles sōt les rend chambrières de l'amour & crainte de Dieu. Ne plus ne moins que Iosué ne voulut point tuer les Gabaonites, mais les assujettit au seruice de la mai-

DE L'AMOUR

son de dieu. Car alors vn pere aime ses enfans comme il faut, si en les esleuant il se propose de cultiuer des ieunes plantes qui fructifieront quelque iour à la gloire de dieu, s'il se souuient tellement de leur estre pere, qu'il se souuienne encores plus que dieu est le sien. Alors vn homme aime ses amis comme il faut, quand il les aime pource qu'ils aimēt dieu, & qu'il voit reluire en eux l'image de dieu. Ainsi alors nous aimerons iustement la santé, quand nous l'aimerōs non pource qu'elle est plus gaye & sans douleur, mais pource qu'elle apporte de la vigueur à nos corps, & de la liberté à nos esprits pour seruir dieu en nostre vocation,

Le mesme se doibt dire des richesses, des honneurs, du sçauoir, choses qu'on peut hōnestemēt aimer, pourueu que leur amour ne nous distraye point de l'amour de dieu, mais plustost nous y pousse, & nous soyent des aides aux bonnes œuures. Et comme il n'y a si petit ruisseau qui ne meīne iusqu'à la mer, qu'aussi ces bienfaits de dieu, quoy que des plus petits, meinent nostre pensee à cet abyīme profond de la bonté & de la grandeur de dieu. Bref toutes nos amitiés & affections enuers nos prochains serōt bien reiglées, quand elles seront branches & ruisseaux de l'amour de dieu, & vne reflexiō de nostre veuē,

DE L'AMOUR

laquelle de dieu redonne sur son image, ou sur ses benefices. N'aimés iamais les personnes pource qui est autour d'elles, mais pour ce qui est en elles : N'estimes point les hommes comme les bourses, c'est à dire pour l'argent qui y est. Si vous honorés vn hōme pource qu'il est bien vestu, il faudra par consequent saluër le satin en pieces entieres. Si vous faites cas d'un homme pour ses honneurs, vous attachés sa dignité à des tiltres & à son habit : lesquelles choses ostées il n'y a plus rien qui doive estre aimé : comme vn cheual qui porte vne idole laquelle ostée on ne fait plus de reuerences à l'entour. Au contraire si vous

aimés vn homme pource qu'il craint Dieu, pource qu'il est ferme en la foy, auâcé en la cognoissance de dieu, veritable en paroles, iuste en actiōs, charitable enuers l'affligé, bruslant du zele de la maison de dieu, vous aurés tousiours dequoy l'aimer : Ostés luy ses biens, ses honneurs, voire ses habits, voire son corps, tous ces ornemēs demeureront & ceste excellence qui consiste en l'image de Dieu & és graces de son Esprit.

Je n'ignore point que les cachettes de l'esprit humain sont fort profondes, & que souuent les amis qu'on à choisi pour vertueux deuiennent vicieux, ou bien monstrent qu'ils l'ont

DE L'AMOUR

toufiours esté. En ce cas l'homme qui aime Dieu, doit reprendre son ami, & le redresser de tout son pouuoir. La flatterie, a osté à la vraye amitié tous ses termes, hors-mis la liberté de reprendre. Craindre de tanser son ami de peur de l'offenser, c'est vn respect plein de cruauté: comme si lors qu'il se noye tu craignois de l'empoigner par les cheueux, de peur de luy arracher quelque poil. Si par ces reprehensions ton ami ne s'amende point, il faut que l'amitié d'un homme cede à l'amour de Dieu. Il faut faire comme Moysse, lequel se seruoit de sa verge pendant qu'elle estoit verge: mais s'en fuit de deuant elle quand elle deuint serpent. Et toutesfois

en ce cas il vaut mieux se separer petit à petit, & decoudre pluſtoſt l'amitié que la déchirer.

A toutes ces difficultés l'amour de Dieu ſert de reigle: pluſieurs Payens ont amasſé force preceptes de l'amitié: mais n'ont point deſcouuert ce ſecret qui reigle toutes leurs reigles, c'eſt d'apprendre premierement à aimer Dieu, & faire naiſtre nos amitez de ſon amour. Ce qu'eſt le cerueau aux nerfs, ou le foye aux veines, ou le cœur aux arteres, cela meſme eſt l'amour de Dieu aux amitez humaines, c'eſt à dire filets & brâches qui en dependent: Ce diuin amour n'y eſtant point, les amitez ne ſont point amitez, mais vne con-

DE L'AMOUR

piration : vn accord à discorder avec Dieu:amitiez fondées sur le plaisir ou sur le gain , qui cessent quand les plaisirs perdent leur goust par l'aage , ou quand le profit diminuë , ou n'est point égalemēt distribué. Mais les amitiez fondées sur l'amour de Dieu sont fermes, pour ce qu'elles sont fondées sur vn fondement asséuré. Lequel amour doit aller si auant que pour l'amour de Dieu nous deuons aimer non seulement nos amis, mais mesmes nos ennemis, pource que Dieu le veut, Mat. 5. Pource que parmi ceste inimitié paroissent encores les traces de l'image de Dieu. Pour ce que ce sôt verges en la main de Dieu pour nostre amende.

ment : & compulsoires à la crainte.

*Quatrième degré de l'Amour
de Dieu.*

NOUS ne sommes pas en-
cores au plus haut. Car
il faut venir iusques à se haïr
soy-mesme pour l'amour de
Dieu. Car comme ainsi soit
qu'il n'y ait point en l'homme
d'amour plus fort ni plus natu-
rel que l'amour de soy-mesme,
aussi c'est celuy qui resiste le
plus à l'amour de Dieu, & qui
est le plus malaisé à surmon-
ter. Ce qu'est la chemise entre
nos habits, cela est l'amour de
nous-mesmes entre nos affe-
ctions, c'est à dire celle qui se

*Se haïr
soy-mes-
me pour
l'amour
de Dieu.*

DE L'AMOUR

depoüille la dernière : La il faut vn grand combat. C'est comme le dernier retranchement de Satan dont il est malaisement debouté. Toutefois nul n'aimera Dieu comme il faut qui n'a en haine sa nature, qui n'est irrité contre ses conuoitises & ne leur liure vne guerre mortelle : desirez de finir ce combat par la mort & d'estre dissoults pour estre avec Dieu. Prest d'estre prodigue de son sang pour estre chiche de la gloire de Dieu. S'en-nuyant en ce corps comme en vne prison roulante, ou vn sepulchre portatif. Semblable à celuy qui estant en prison regarde par les barreaux aspirant à la liberté. N'esperez pas d'en sortir par la porte : Vous en

fortirez par la ruïne dela prison : par la déstruction de ce corps: comme quand la prison se fond, & le prisonnier se sauue par les ruines. Celuy qui aura plus fait la guerre à soy-mesme , aura plus de paix avec dieu. Celuy qui ne se fera point pardonné Dieu luy pardonnera. Celuy qui aura mesprisé voire hai sa vie celuy là la sauuera.

C'est là le quatriéme degré ^{Luc 9.} & ^{14.} d'amour & le plus haut, auquel l'homme puisse paruenir en ceste vie. C'est ce degré d'amour qui faisoit crier l'Apostre *Las moy miserable qui me deliure-* ^{Ro. 7. 24} *ra du corps de ceste mort.* C'est ce degré d'amour qui fait que Dauid, quoy que le Sceptre en main, veinqueur de ses enne-

DE L'AMOUR

Pf. 119. &
119.

mis , comblé de richesses & d'honneur terrien, neátmoinſ ſe recognoiſt eſtráger & voyager en la terre. C'eſt ce degré d'amour qui a ſouſtenu les martyrs és tourments, l'ardeur duquel a eſté victorieuſe par deſſus l'ardeur du feu : cuidez vous qu'ils euſſent les muſcles d'acier, ou le corps impenetrable à la douleur? Cela n'eſt pas. Ains comme l'ardeur de la fiéure ſeiche des vlceres extérieurs, & vne moindre chaleur eſt ſurmontée par vne plus grande: ainſi l'ardeur interieure de l'amour de Dieu ſurmon-
toit l'ardeur des flammes , & auoit plus de force à les ſouſtenir que la douleur n'auoit de force à les abbatre. Martyrs dont les vertus ſouſtiennent
encores

encores aujoud'huy nos vices. Dont les cendres reschauffent encores nostre froideur. Dont le sang crie encores, parlât & pour la verité de l'Euan-gile, & cōtre nostre lascheté, laquelle en peu de temps a tant dégénéré de leur constance. Certes s'ils ne nous seruent d'exemple, ils nous serviront de reproche & de condamnation.

Or pour paruenir à ce degré d'amour, il faut vn long & difficile combat; car nostre chair est reuesche & mutine: & la cōuoitise si enracinée, que l'arracher (selon le iugement du fils de Dieu) est comme qui se couperoit vne main ou s'arracheroit vn œil. Comme aussi *Mat. 5.*
S. Paul appelle nos conuoitises

DE L'AMOUR.

Col. 3. nos membres. Neantmoins
 Dieu dit que son œuvre se pa-
2. Cor. racheue en nostre infirmité ; Il
12. nous rend victorieux , mais a-
Gal. 5. près plusieurs cheutes. Souuēt
 l'hōme posé cōme en vn che-
 min fourchu , mais entre l'es-
 prit & la chair , entre l'amour
 de Dieu & l'amour du monde ,
 sent des suggestions contrai-
 res & vn merueilleux combat.
 Combien de fois aduient-il
 qu'après que l'amour de Dieu
 a pris le dessus , & que le fidèle
 s'est resolu au bien , peu après
 les conuoitises se rallient , & dō-
 nēt vn nouuel assault à la crain-
 te de Dieu ? Le fidèle assailli
 d'un appetit de vengeance , ou
 de rapine , ou de paillardise , sen-
 tira cet amour de Dieu parlant
 ainsi à luy en son cœur. Mise-

nable homme où vas-tu ? Dieu ne te void-il pas ? mesprises-tu ses menaces ? rejettes-tu ses promesses ? oublies-tu ta vocation ? Pourquoy contristerois-tu l'esprit de Dieu ? Pourquoy scandaliserois-tu son Eglise ? Où sont les promesses que tu luy as faites ? Où est la memoire de ses benefices ? Est-ce là le chemin du Royaume des cieux ? Es-tu asseuré qu'estant tombé tu te releueras ? Pour des voluptez meslées d'amertume troubler la paix de ta conscience ! Pour vn potage de lentilles mespriser ta primogeniture ! A ces suggestions le fidele s'arrestera, il gemira deuant Dieu, & comme Samson il rompra les liens de sa conuoitise. Mais ce n'est pas encores fait : & ceste

DE L'AMOUR

chair rebelle ne se rend pas.
Car après des saintes résolutions nous auons par certains intervalles des refroidissemens. Puis le Diable espiè les occasions ; s'il nous voit parmi les mauuaises cōpagnies ; s'il nous void oisifs , si nous auons discontinué la priere ou la lecture & ouïe de la Parole de Dieu, lors se réueillent les conuouitises , lors les suggestions contraires de la chair & de l'esprit se preigent à la gorge , & s'estranglent : ce qui rend bien souuent la vie du fidèle amere, iusques à desirer la mort pour finir ce combat. O miserable nature ennemie de soy-mesmes , ô corruption enracinée ! mutineries qui nous veulent remener en Égypte ! qui après la

fortie hors de Sodome nous font encores regarder derriere, comme la femme de Loth, & nous font regretter le mal que nous auons laiffé. Corruption qui trouble nos meilleures actions par des mauuaises fuggestions : & les entache de quelque mal. Si nous pensons à la mort: la chair suggere qu'il y a encores assez de tēps pour y penser. Si nous oyons ou lisons les reprehensions de la Parole de Dieu, elle nous persuade que cela est dit pour d'autres. Si nous pensons au ciel, elle dit que nous y viēdrōs assez tost. Si tu penses à donner l'aumosne , elle suggere tout bas, que sçay-je si i'en pourray auoir besoin? Si tu veux reprendre ton ami pour le raddresser,

DE L'AMOUR

au bon chemin , elle te retire par vn respect cruel, & par vne crainte de l'offenser. Chasque bonne action a cōme des anses par où la chair & le mōde l'empoigne pour en empescher l'execution.

Icy donc il faut soigneusement auoir recours à l'assistēce de Dieu, & imiter Rebecca, laquelle eust recours à la priere lors que deux enfans s'entre-pouffoyent en son ventre ; figure tres-expresse de cēs deux hommes qui sont en chasque fidèle, l'vn qui est le vieil, l'autre qui est le nouuel homme, l'vn nostre naturel corrompu, l'autre l'esprit regeneré, lesquels conuoient l'vn contre l'autre, comme dit l'Apostre S. Paul. Pourtāt aussi Dieu respō-

dit à Rebecca. *Le plus grand ser-* Gal. 5.
uira au moindre: car il faut que le 17.
 vieil homme soit assujetti au
 nouveau, iusques à ce qu'il soit
 pleinement rengé sous l'obeïf-
 sance de Dieu.

*Cinquième degré de l'Amour
 de Dieu.*

R Este le dernier & souue-
 rain degré, qui est l'a- L'amour
 mour duquel nous ai- des
 merons Dieu en la gloire ce- saints
 leste. Car nous aimons les cho- glorifiez.
 ses selon que nous les cognois-
 sons: nous aimerōs donc Dieu
 beaucoup plus, pource que
 nous le cognoistrōs beau-
 coup mieux. *Maintenant* (dit 1. Cor.
 l'Apostre) nous cognoissons en 13.

DE L'AMOUR

*partie, nous voyons par vn miroir
obscurément, mais alors nous ver-
rons face à face. Nostre amour
qui regarde de loing & qui est
distrainct par diuers objects, alors
regardera de près & sera tota-
lemēt arresté sur Dieu. Et cōme
quād deux grosses riuieres dé-
bordées viennent à se rencon-
trer, elles fōt vñe merueilleuse
inondation: ainsi l'amour de
nous-mesmes & l'amour de
Dieu sont deux courants qui
ne se ioignent iamais en la ter-
re, mais qui se rencontreront
au ciel. Qu'elle doncques sera
la vehemence de ces deux af-
fections quand elles seront cō-
fonduës ensemble & iointes
en vn amour? Car alors en ai-
mant Dieu nous nous aime-
rons nous-mesmes, pource*

que Dieu habitera en nous, & pource que (dit l'Apostre S. Iehan) *nous serons semblables à luy.* Et ne faut point douter que les Anges & les Saints ne s'aiment eux-mesmes ardemment, mais d'un amour qui decoule de l'amour de Dieu. O heureux & admirable amour de soy-mesme, qui se mesle avec l'amour de Dieu: reserurons nous à nous aimer nous-mesmes iusques à ce temps-là, & n'aimons rien en nous que ce qui nous prepare & entretient en l'attente de cet amour.

Mais pource que cet amour duquel nous aimerons Dieu en Paradis naist de la veuë & contemplation de sa face, (car l'amour s'allume par la veuë)

DE L'AMOUR

aprenõs qu'elle fera ceste veuë
cause de nostre amour. Nos
yeux corporels voyent les
choses par deux moyens: Ou
par la reception de leurs ima-
ges, ainsi voyons nous les
corps exposez à nostre veuë:
Ou en receuant dedans nos
yeux la chose mesme qu'on
void; Ainsi voyons nous la lu-
miere, laquelle nous voyons
en sorte qu'elle entre iusques
dedans nos yeux. Dieu qui est
la premiere des lumieres se fe-
ra voir à nos ames au ciel en
ceste derniere façon. Car il ha-
bite en ses saincts, il y est tout
en tous. Mais en ceste vie il se
fait voir par images, c'est à di-
re par la contemplation de ses
œuvres, où il a empreint com-
me vn portrait de soy-mesme,

*Rom. I.
vers.*

& des marques expressees de sa vertu. Nous verrons donc alors nostre dieu en mesme facon que nous voyons icy bas la lumiere : sinon que nous ne la voyons maintenant que par les fenestres du corps, c'est à dire par les yeux : mais alors nous receurons par tout la lumiere de dieu lequel nous eclairera de toutes parts des rais de sa sainteté : ne pl⁹ ne moins que si vn homme estoit prunelle par tout il receuroit dedans soy la lumiere de tous costez.

Ceste mesme veuë de dieu nous rendra semblables à dieu comme dit S. Iehan. *Nous serons semblables a luy, car nous le verrons tel qu'il est.* Car comme vn miroir ne peut estre exposé au Soleil qu'il ne reluisse à l'imita-
1. Ieh. 3.

DE L'AMOUR

*Prim &
Tumim.*

*1. Ieh. 4.
v. 8.*

tion du Soleil, aussi Dieu ne reçoit personne à contempler sa face qu'il ne le transforme à sa ressemblance, par l'irradiation de sa lumiere & de sa perfection. Que si Dieu est charité & l'amour mesmes, comme enseigne le mesme Apostre, il est necessaire que la creature estât par ceste veüe renduë semblable à Dieu, soit aussi esprise d'amour, & embrasée de ce feu spirituel. Feu qui a donné nom aux Seraphins, ainsi appelez à cause de l'ardeur : laquelle n'est autre chose que l'amour de Dieu, que la ferueur de leur zele, que leur promptitude à son seruice.

Icy finissent necessairement ces degrez d'amour, & nostre meditation ne peut monter plus

plus haut, c'est le dernier es-
chelon de l'eschèle de Iacob
par laquelle nous montons à
Dieu.

CHAP. III.

*Des Marques & effects de
l'Amour de Dieu.*

NOVS faisons tous profes-
sion d'aimer Dieu, mais
peu l'aiment serieusement: par
ceste profession nous trom-
pons les hommes, voire nous
nous trompons nous-mesmes,
mais ne pouuons trôper Dieu.
Cause pourquoy il est neces-
saire d'apporter icy la pierre de
touche, pour discerner le vray
& pur amour de Dieu, d'auec

DE L'AMOUR
le faux & de bas alloy.

Comme il y a cinq degrez
du vray amour, aussi y a-il cinq
marques pour les discerner.

I. La premiere marque du
vray amour de Dieu, est *qu'il e-*
steint les amours impudiques.

II. La deuxieme marque
& effect de cet amour, est *la*
paix & tranquillité de l'ame.

III. La troisieme est *la cha-*
rité enuers son prochain.

IV. La quatrieme est *le plai-*
sir à communiquer souvent avec
Dieu.

V. La cinquieme est *le zele*
à la gloire de Dieu, qui s'esjouit ou
s'attriste selon que Dieu est honoré
ou deshonoré.

Quiconque sent en soy ces
effects se peut asseurer qu'il
aime Dieu d'un vray amour.

Mesmes encores que quelque froideur entretenne parmi ceste sainte ardeur, & que l'amour de soy-mesme soit meslé parmi l'amour de Dieu , si est-ce que cet amour pour estre foible ne laissera pas d'estre vray ; pourueu qu'il s'auāce de iour en iour, tendant à la perfection. Repassons chascune de ces marques pour la recognoistre de pres.

Premiere Marque de l'Amour de Dieu.

IL y a trois sortes d'amour, *Amours*
 dont l'un est tousiours bon, *impudi-*
 l'autre tousiours mauuais, *ques e-*
 le troisieme bon de sa nature, *steints.*
 mais mauuais par accident, à
 cause de nostre mauuaise dis-

DE L'AMOUR

position. L'amour qui est toujours bõ est l'amour de Dieu, auquel il est impossible de pecher par excès, & est bon de lascher en ce point la bride entiere à sa conuoitise. La mesure d'aimer Dieu est de l'aimer sans mesure. L'amour qui est toujours mauuais est l'amour de meurtre, de rapine, des voluptez impudiques, &c. L'amour qui estant bon de sa nature deuiant mauuais par accidēt est l'amour de la viande, du breuage, du repos, ou recreation; appetits bons naturellement, & necessaires : mais que nous rendons mauuais par excès, & par intemperance.

L'amour de Dieu se comporte diuersement enuers les deux autres sortes d'amour;

car il renge le dernier dans les limites de la mediocrité , & nous apprend à satisfaire à la necessité & non à la curiosité, Il rejette les delices recherchées , le degoust d'un estomach superbe , qui se réveille par artifice , nous aprenant à nourrir ce corps en sorte qu'il ne soit point en empeschement à l'ame: A veiller & estre sobres de peur que nous n'entrions en tentation. Mais quant au second amour , il ne peut aucunement demeurer avec l'amour de Dieu : ains la crainte de Dieu le retranche totalement, pource qu'en vne chose entierement mauuaise il n'y faut point chercher de mediocrité: nul ne peut estre paillard, ou adulateur , ou meurtrier par

DE L'AMOUR

mesure: car la moindre inclination à ces choses est vn peché contre Dieu.

Mais sur tout la force de l'amour de Dieu se déploye à arracher des cœurs les amours impudiques qui allument és esprits des hommes mondains vn brasier de sales conuoitises: qui souillent nos esprits de mille pensées brutales & importunes; qui de nos corps dédiez à estre temples de Dieu en font vn bordeau infect, & (cōme dit S. Paul) des membres de Iesus-Christ les membres d'vne paillarde : plaisirs qui affoiblissent le corps, alentissent l'esprit, attendrissent le courage, qui après les forces consumées laissent toutefois la conuoitise. Voluptez infames, &

qui mettent l'homme au dessous des bestes, desquelles en ce point l'homme doit apprendre les loix de continence & de sobriété. Voluptés traistresses qui embrassent l'homme pour l'estrangler, l'amadoient sur le giron de la douceur, comme Dalila fit Samson; afin de le liurer, non aux Philistins, mais au diable: lequel ayant creué les yeux au pecheur, souuent le meine par ce chemin au tēple de l'idole. Encores comme si cela n'estoit assez, l'hōme a taillé à ces plaisirs vn chemin penible: ils ne sont estimez que par le tourment, Les eaux desrobées sont plus douces, dit Salomon, & la malice de l'homme trouue toute entrée meilleure que la

DE L'AMOUR

legitime.

De la
vraye
BEAUTE.

L'amour de Dieu entrant en l'esprit de quelqu'un pour le repurger, incontinent vuide hors ceste ordure, & estouffe cet amour, par la force de l'amour de Dieu: lequel nous apprend à aimer en nos prochains non la beauté du corps, mais les ornemens de l'ame. Ce saint amour ayant pour son objet le premier des esprits aimé par consequent és hommes la beauté spirituelle, Beauté qui consiste en l'image de Dieu. Image dont les traits principaux sont la iustice & sainteté. Beauté qui n'est point superficielle comme celle du corps, qui cache sous soy du sang, de la ceruelle, & choses qu'on ne peut voir sans horreur: mais c'est vne beauté

qui va iusques au fonds comme la beauté d'un diamant ou la beauté de la lumiere. La beauté du corps n'est qu'une fleur qui se flestrit par l'aage; mais la beauté de l'ame n'est point sujette au temps: qui plus est les rides qui y sont s'effacent par la vieillesse. Plusieurs femmes eussent esté plus heureuses si elles eussét esté moins belles; & leur beauté leur a esté fertile en affliction: mais la beauté spirituelle n'est iamais qu'avec la benediction de Dieu. Ioint que à considerer attentivement le plus beau visage du monde vous n'en deuiendrez pas plus beau, ains semblerez plus laid auprès: mais à considerer soigneusement une ame que Dieu a embellie de vertus,

DE L'AMOUR

vous en deuiendrez vertueux,
& vous formerez sur son exē-
ple. Les yeux charnels n'apper-
çoient point ceste beauté, &
les voluptueux ne sçauent que
c'est: Car comme vn cheual ai-
mant vne iument estime qu'il
n'y a point au monde d'autre
beauté; ainsi l'homme char-
nel & sensuel estime qu'il
n'y a point d'autre beauté que
celle qui par la veüe luy frappe
la conuoitise. Mais la veüe du
fidèle va plus auant, & bien
souuēt au trauers d'une beau-
té corporelle recognoist l'ima-
ge du diable. Au contraire la
beauté interieure est souuent
sous vne laideur exterieure,
comme celle d'un diamant
soüillé. Comme celle de Iesus-
Christ durant son opprobre,
duquel Esaye au 53. chap. dit

qu'il n'y a eu en luy forme ni apparence de beauté, & toute-fois luy-mesme au Pseaume 45. est appellé le plus beau d'être les fils des homme. Comme la beauté de l'Eglise de laquelle il est dit au 1. des Cantiques qu'elle est brune & toute-fois belle, comme noircie par dehors & haslée par les afflictions, lesquelles cependant n'effacent point sa beauté intérieure.

Pourtant que les femmes curieuses de leur beauté s'estudient plustost à s'embellir au dedans, comme il est dit au Pseaume 45. *La fille du Roy est pleine de gloire en dedans:* qu'elles se gardent bien en réparant leur corps avec artifice d'estre vn piege de conuoitise, vn in-

DE L'AMOUR.

strument en la main du diable. Vn soldat auquel vne espée aura fidèlement serui en plusieurs duels, sera soigneux de la polir & embellir: & nous esbahissons nous si la fême ayant serui d'armes à Satã pour renuerfer Adã, il est soigneux de l'orner & embellir & si les femmes sont si curieuses en ornemēs à la suggestion du diable?

Mais nous que Dieu a honorés de sa cognoissance afin de nous eschauffer de son amour, fermons les yeux à ces allechemens, *possedans*, (dit S. Paul) *nostre Vaisseau en sanctification*: Abstenez vous non seulement du mal; mais aussi des apparences & occasions de mal. Fuiés l'oisiueté c'est l'oreiller des vices. Que Satan vous

vous venant assaillir vous trouue tousiours occupez. Fuyez les mauuaises compagnies, les propos sales, les liures d'amours, ce sont allumettes d'impudicité, ce sont appaists & amorces du diable. Personne n'est venu à mal faire que par ces accesssoires. Voire le mal est desia en ces accesssoires. Plusieurs diront qu'ils sont chastes de corps, mais leurs yeux & leurs oreilles, & leurs pēsées sont coupables de paillardise. Et Iesus-Christ dit que celuy qui a regardé la femme de son prochain pour la conuoiter a desia commis adultere. La meilleure compagnie & la meilleure occupation pour diuertir nos esprits de ce mal,

H

est la lecture soigneuse de la parole de Dieu iointe avec la priere. S. Augustin au 8. de ses confessions, chap. 8. & 12. dit que lors qu'il estoit en termes de se ranger au Christianisme, ce qui le trauailloit le plus estoit qu'il luy falloit renoncer à ses pailardises, & que sur ce combat plein d'angoisse s'estant retiré en vn iardin, il ouït par deux fois vne voix comme d'un enfant, venante des maisons voisines, & disante, *Pren & li.* A ceste voix il préd le liure des Epistres de l'Apostre, & lit à l'ouuerture du liure. Le passage sur lequel il tomba fut le 13. chapitre aux Romains où S. Paul dit, *Cheminons honnestement comme de*

*iour: non point en gourmandise
 ny en yurogneries, non point en
 couches ny en insolences, non
 point en noise ny en enuie. Mais
 soyez reuestus du Seigneur Ie-
 sus, & n'ayés point soing de la
 chair pour accomplir ses conuoit-
 ises. Il ne luy en fallut pas da-
 uantage: & là dessus soit que
 ceste voix vint de Dieu, soit
 que cela arriuaist autrement,
 il se resolut de suiure le cōseil
 de l'Apostre, lequel sans at-
 tendre reuelation là dessus,
 nous manifeste assés la vo-
 lonté de Dieu touchant le
 dépouillement de ceste con-
 uoitise.*

*Deuxième marque de l'A-
 mour de Dieu.*

CE mesme amour pro-
 duit encores vn autre

*Paix & tra-
 quillité de
 l'ame.*

DE L'AMOUR

effect par lequel il est recon-
 gnoissable : à sçauoir la paix
 & tranquillité de l'ame : Il
 chasse les craintes, allége les
 soucis, addoucit l'affliction.
 Car quelque mal qui arriue à
 celuy qui aime Dieu il se sou-
 uendra de la sentēce de l'A-
 postre, *Que toutes choses aident*
en bien à ceux qui aiment Dieu :
 mesmes leurs maux leur de-
 viennent biens, leur pauvre-
 té corporelle leur est vne
 diète spirituelle : leurs banis-
 sements leur sont fuîtes du
 monde : Leur esloignement
 des honneurs leur est vn ap-
 prochement de Dieu. Leurs
 ennemis sont leurs mede-
 cins, & les obligent à crain-
 dre Dieu. Leurs maladies
 corporelles leur sont cures

Rom. 8.

spirituelles : La mort leur est vne entrée à la vie , & vne naissance par laquelle l'ame dépoüille l'arriere-faix de ce corps & sort d'un cachot tenebreux pour entrer en la lumiere de Dieu : Le passage par les afflictions ressemble au passage de la mer rouge: car les meschans y sont accablez , ce sont auancoueurs de la damnation : Mais les fideles & le peuple de Dieu y trouuent vn passage à l'heritage promis.

Ce mesme amour de Dieu suggerera au fidele ceste pensee. Puis que i'aime Dieu il est certain qu'il m'aime. Car l'Apostre S. Iehan dit *que nous l'aimons d'autant qu'il nous* I. Ieh. 4.
a aimés auparauant : Car ien'a-

DE L'AMOUR

uois en moy naturellement
 aucune inclination à l'aimer:
 mais c'est luy qui m'aimant a
 formé mon cœur à l'aimer.
 Que si Dieu m'aime il veult
 donc me bien faire; or il peut
 tout ce qu'il veult, rien n'ad-
 uient que par sa volonté. Il
 ne permettra dōc point que
 mal m'aduienne: il tirera de
 mes maux du bien pour mon
 salut: il me meinera au salut
 par vn chemin quoy qu'es-
 pineux à la chair, toutefois
 salutaire pour mon ame. Bref
 l'amour de Dieu exclud les
 craintes, & est l'appuy de
 nostre assurance: Comme
 dit l'Apōstre S. Iehan. *Il n'y a
 point de peur en la charité, ains
 la parfaite charité chasse dehors
 la peur.*

1. Ieh. 4. 18.

Ce mesme amour addou-
cit les afflictions, & red le joug
de nostre Seigneur doux &
tolerable. Car vous verrez
par experience qu'en vn
mesnage où l'amitié est gran-
de entre le mari & la femme,
ils passent le mauuais temps
avec douceur, & se sont en
mutuelle consolation. Mes-
mes auoir vn ami intime dās
le sein duquel vous versies
vos pleurs & espandiés toute
vostre amertume apporte de
l'allegement, encores qu'il
n'y puisse apporter du reme-
de. Combien plus d'allege-
ment sentira le fidele affligé,
en l'amour de son Dieu? de
Dieu lequel non seulement
cognoist nos maux, conte
nos sospirs, serre nos larmes

DE L'AMOUR

en ses vaisseaux : mais qui aussi peut & veult y remédier? & non seulement remédier aux maux, mais les rendre biens, nous donnant en nos afflictions non seulement occasion de patienter, mais mesmes matiere de s'esjouir? Ainsi parlent les fideles au Pseaume 46. *Que les eaux de la mer viennent à bruire & à se troubler: & que les montagnes soient esbranlées par l'élevation de ses vagues; Cependant les ruisseaux de la riviere resjouiront la ville de Dieu.* Ces eaux impetueuses sont les peuples bandez contre Dieu, comme expose l'Apocal. chap. 17. Ces ruisseaux qui durât ceste esmotiõ resjouissēt la saincte cité, sont les enseignemens

de la parole de Dieu, la voix
duquel est nostre consolatiõ.
Car en ses afflictions le fidele
destournera ses yeux de ses
ennemis & des causes secon-
des, & dira : Seigneur c'est
toy qui l'as fait, ie reçois ce-
ste affliction de ta main: rend
moy ceste espreuve salutaire,
& ne permets point que ie
viene iamais à murmurer cõ-
tre toy, ou à regimber contre
l'éguillon. Nous auallons
avec plus de resolution vne
medecine amere quand elle
nous est présentée par vne
main amie, & dont nous ne
craignons point ni l'ignorã-
ce ni la mauuaise foy. Nous
auons toutes ces choses en
Dieu, lequel d'abondant fait
que les venins mesmes nous

DE L'AMOUR
deuiennent medecines.

Ainsi l'amour de Dieu est
vne retraitte & asyle contre
les angoisses. C'est le fonde-
ment de la vraye paix : c'est
l'appuy de nostre assurance:
qui fait mespriser les mena-
ces des hommes; qui fait re-
garder les entreprises des
grands, & les esmotions des
peuples avec mespris: qui fait
trouuer repos sur la gehenne:
qui fait auisager la mort avec
assurance : & luy leuer le
masque pour apperceuoir Ie-
sus-Christ qui vient à nous
dessous ceste apparence : qui
fait le fidele demeurer de-
bout au milieu des ruines de
son pays. Ce saint amour fai-
soit dire à S. Paul Rom. 8. *Si
Dieu est pour nous, qui sera con-*

*tre nous? Luy qui n'a point es-
pargné son propre Fils, mais la li-
ure pour nous tous, comment ne
nous eslargira-il aussi toutes cho-
ses avec luy? Disons de mesme.
Luy qui reserre nos larmes,
ne recueilleroit point nos
prieres? Luy sans la prouidē-
ce duquel vn passereau ne
tombe point en terre, per-
mettroit-il que nos ames tō-
bassent en enfer par faute
d'en auoir soing? Luy qui *Ps. 36.*
estend son soing iusques à re-
cueillir nos larmes, voire
iusques à cōter nos cheueux,
combien plus aura-il soing
de nos ames, pour lesquelles
son fils est mort? Ce mesme
amour faisoit dire à Dauid
(*Ps. 23.*) *Quand mesmes ie che-
mineroy par la vallée d'ombre de**

*mort iene craindroy aucun mal,
car tu es avec moy : ton baston &
ta houlette sont ceux qui me con-
solent.*

Par là iugés que c'est que
d'aimer Dieu au prix d'aimer
les hommes. Laissons à part
l'impuissance de nos amis à
nous deliurer: leur peu de fer-
meté à aimer : que mesmes il
y a des amis cruellement of-
ficiels qui desirent de voir
leurs amis en peine, afin de
les obliger en les secourant:
& ne parlons que de ce qu'il
y a de meilleur & de plus hō-
neste en nos amitiés. Je di
donc que si quelqu'un avne
douzaine de personnes qu'il
aime toutes fidelement, le
voila necessairement misera-
ble : Car il est bien mal-aisé
que

que d'une douzaine de personnes il n'y en ait toujours quelqu'une qui soit en peine, ou malade ou affligée. Si donc tu veux selon les loix de l'amitié espouser les afflictions de tes amis, te voila à force d'amis en perpetuelle misere.

Et si quelqu'un d'eux est absent, c'est sujet de continuelle apprehension. Tellement que plusieurs estiment qu'à estre dur & sans compassion il y a de la commodité. Les fideles amitiés sont especes de maladies ingenieuses à craindre, & qui attirent de diuers endroits la douleur & la compassion. L'amour de Dieu n'a point ces incommoditez : car nous aimons celuy pour lequel nous ne

Res est solliciti plena timoris amor.

pouvons estre en crainte , & qui nous met hors de crainte pour nous mesmes , & nous garentit de tout mal.

Que si l'amour de Dieu est si plein de repos au prix des plus fideles & honestes amitiés entre les hommes : combien plus au prix des amours mal-hōnestes , qui gehennēt la conscience, qui se cachent de honte, ou la despense, les riottes, les ialousies, les embusches, les alterations d'humeur tourmentent les esprits d'une inquietude perpetuelle?

Troisième marque de l'Amour de Dieu.

Amour du prochain.

EN troisième lieu , l'Amour de Dieu se mani-

feſte par l'amour du prochain. Il eſt impoſſible d'aimer Dieu en hayſſant ſon image. Aimer Ieſus Chriſt qui eſt le chef en hayſſant nos prochains qui ſont ſes membres, c'eſt en baiſant le chef à quelque'vn luy marcher ſur les pieds: Choses incōpatibles. Comme dit l'Apôſtre S. Iehan. *Qui dit i'aime* 1. Ioh. 4. 20. *Dieu & hait ſon frere il eſt menteur: Car qui n'aime point ſon frere lequel il void, comment peut-il aimer Dieu lequel il ne void point? C'eſt à dire s'il n'a point meſmes l'amour naturel, cōmētaura il le ſurnaturel? C'eſt pourquoy au ſommaire de la Loy couché en l'Evangile, à l'amour de Dieu eſt adjoinct l'amour du prochain com-*

DE L'AMOUR

Gal. 5. 14.

me vne suite necessaire , & vne preuue indubitable. Et l'Apostre Sainct Paul dit que *toute la Loy est accöplie en ceste seule Parole, Tu aimeras ton prochain comme toy-mesme.* Non que ce soit assez que d'aimer son prochain fäs aimer Dieu: mais pource que l'amour du prochain presuppöse necessairement l'amour de Dieu.

Or si nous deuons aimer nos prochains pour l'amour de Dieu, il s'ensuit que nous deuons sur tout aimer ceux qui aiment Dieu. Suiuant le commandemēt de l'Apostre aux Galates, ch. 6. *Faisons bien à tous, mais principalement aux domestiques de la foy, avec lesquels nous auons beaucoup de biens communs : d'estre*

ensemble enfans d'un mesme pere : ensemble freres de Iesus-Christ: nourris de mesme pasture qui est sa Parole: en vne mesme maison qui est son Eglise: ensemble pelerins & voyageurs: combattās pour vne mesme cause: appellés à vne mesme esperance: coheritiers d'un mesme Royau-me. Toutes considerations qui ressemblent à plusieurs lignes qui toutes aboutissent en vn point: car ce sont obligations à nous aimer qui toutes se rencontrent en Iesus Christ, auquel nous sommes vn ensemble, pource que nous sommes vn avec luy.

Ceste charité entre les fideles se deploye par deux moyens, .i. L'un est la subuen-

DE L'AMOUR

tion charitable enuers nos freres affligez. 2. L'autre est la paix & concorde entre les fideles.

Quant à la subuention fraternelle, elle naist necessairement de l'amour de Dieu:

1. Ep. 3. 17.
Subuention
Fraternelle.

comme dit S. Iehan, *Qui aura des biens de ce monde & verra son frere auoir necessité, & luy fermuera ses entrailles, comment demeure la charité de Dieu en luy?* Aussi Dieu se constitue remunérateur de l'aumosne, comme faicte à soy-mesme. *Voire iusques à vn verre d'eau froide. Mat. 10. Donner au pauvre est prester à usure à Dieu. Prouerb. 19. De tout ce que nous possédons nous n'en sauuerōs riē que ce que nous aurons ainsi donné. Par ce*

moyen (dit Iesus-Christ)
nous nous faisons des amis qui Luc. 16.
nous reçoivent és tabernacles
eternels. Tu crains de perdre
ton argent en le donnant, &
toutefois le donner en au-
mosne est le moyen de le gar-
der. Tu crains de perdre ton
bien en le donnant, & ne
crains point de te perdre en
le gardant. Car nos biens re-
feruez auaricieusement non
seulement se gastent, mais
aussi gastent & corrompent
nos esprits. C'est par ce pe-
ché que Iesus-Christ iugera
les meschans au dernier iour,
Matth. 25. Le mauuais riche
qui mesprisoit le Lazare mē-
diant vn morceau de pain,
maintenant mendie du La- Luc. 16.
zare vne goutte d'eau pour

temperer son ardeur: Ardeur
commencée par la retention
des biens qui estoient deubz
au pauvre: *lesquels* (comme
dit S. Iaques) *mangeront la*
chair des riches comme le feu,
& leur sont un thresor amassé
pour le dernier iour. Et iuste-
ment ils sont mis au rang des
meurtriers: Car comme il y
a deux moyens d'esteindre
vne lampe, ou en la soufflant,
ou en n'y versant point d'huy-
le; ainsi l'auaricieux s'il n'e-
steint point la vie du pauvre
en le tuant, pour le moins il la
laisse defaillir & secher à fau-
te d'y verser quelque libera-
lité.

La source de ce deuoir est
l'amour de Dieu & de Iesus
Christ qui redonne sur ses

membres. Pourtant aussi cō-
me l'amour de Dieu est franc
& volontaire, aussi faut-il que
nos aumosnes ne soyēt point
forcées ny faites à regret,
mais libres & volontaires.

Dieu aime celuy qui donne gaye- 2. Cor. 9. 7.
ment, ce dit l'Apostre Saint
Paul. Et à ce propos il appel-
le là mesmes l'aumosne vne
femence; Semence que nous
jettons en terre, mais que
nous moissonnons au ciel:
Puis donc qu'il faut donner
gayemēt il est icy le rebours
de ce qui est dict au Pseaume
126. Ceux qui semeront en lar-
mes, moissonneront avec chant
de triomphe. Car celuy qui se-
me ceste subuention avec
larmes moissonnera avec
douleur: nul ne moissonnera

DE L'AMOUR

avec ioye au ciel s'il n'a semé
 ioyeusement en la terre. Vne
 aumosne dōnée à regret non
 seulement ne reçoit point de
 salaire, mais mesmes ne me-
 rite point de pardon. Il est le
 mesme des aumosnes faictes
 par ambition & pour estre
 veuz des hommes, lesquelles
 nostre Seigneur condamne
 au 6. de S. Matthieu. Item
 des aumosnes faites des cho-
 ses mal acquises. Celuy qui
 s'estant enrichi par fraudes
 & extorsions pense appaiser
 Dieu en donnant en aumos-
 ne partie de son larrecin,
 veult corrompre Dieu par
 presents, & l'appelle pour
 auoir part au butin; Comme
 en la Loy Dieu ne receuoit
 point en offrande ni le prix

du chien , ni le salaire de la paillardie, ainsi en l'Euangile Dieu veult que l'aumosne (que l'Apostre aux Hebreux appelle vn sacrifice) soit de choses iustes, & acquises par le trauail. *Que celuy qui desrob-
boit ne desrobe plus, mais plus-
tost qu'il traueille en besoignant
de ses mains, afin qu'il ait pour de-
partir à celuy qui en a besoing.*

*Hebr. 13.
vers. 16.*

Ephes. 4. Pourtant quand Ie-
sus Christ au 16. de Sainct
Luc veult que nous facions
des aumosnes des richesses
iniques, il appelle les richesses iniques non pource qu'elles sont iniquemēt acquises, mais pource qu'ordinairement elles sont allechemens & amorces d'iniquité : autrement il eust plustost commā-

dé de les rendre à ceux auxquels on les a iniustement ravi.

II.

*Paix entre
les freres.*

Ce mesme amour de Dieu produit la paix & la concorde entre les freres. Car il est impossible d'aimer Dieu sans l'imiter. Or il est le Dieu de paix. Rom. 16. Il faut donc estre enfans de paix à son imitation. Car ainsi sont appelez les fideles au 10. de S. Luc. A ce propos au 19. du premier des Roix, Dieu est representé comme n'estant point parmi le tourbillon & le vent impetueux, mais parmi le son coy & tranquille, pource que Dieu n'est point parmi les confusions & querelles, parmi les personnes qui s'entremangent, ains parmi la

mi la paix & concorde. Mais le diable vit de discord, & est ami de l'inimitié. Tout ainsi qu'on fait battre deux coqs ou deux chiens par plaisir, & les passans les éguisent au combat : ainsi ne doutez point quand deux hommes s'entrebattent, que le diable ne les éguillonne, & n'y prenne son plaisir. Prenons garde que sans y pēser par nos querelles nous ne soyons le iouët & passe-tēps du diable: Nous di-je qui sommes freres : qui auons tout le monde sur les bras : qui par mesme combat tendons à vne mesme esperance: Appelez pour reparer les bresches de Ierusalem, pour rebastir la maison de Dieu à la veüe & en despit du

diable. Il est escrit au 1. des Roix, chap. 6. que le Temple de Salomon fut basti sans aucun bruit, on n'y oüit pas vn coup de marteau : trauail-
lons à l'œuure de Dieu sans bruit & sans contestation. Et icy se peut & se doibt accommoder l'aduertissement que Ioseph donnoit à ses freres fortàs d'Egypte pour retourner à leur pere. Il les renuoye à leur pere & leur dit, *Ne debattez point en chemin.* Car quelle est la vie du fidele sinon vne sortie d'Egypte, vn voyage pour retourner à nostre pere? Ne nous querel-
lons donc point en chemin. Viuons en paix & le Dieu de paix demeurera avec nous: lequel nous aimerons plus

ardemment, quand nous serons ioints d'affections pour l'aimer.

Quatrième marque de l'Amour de Dieu.

ON presume ceux là estre amis qu'on void ordinairement ensemble. La communication & familiarité est la nourrisse de l'amitié : voire plus que les bien-faits. Celuy qui fait plaisir avec vne feuerité inaccessible, qui donne les bien-faits avec la mine d'un qui refuse, semblable à celuy qui iette du pain à la teste d'un mendiant, desoblige en obligeant, & est assez payé si on pardonne à ses benefices. L'amitié aussi requiert qu'un ami en toutes

La communication frequente avec Dieu.

affaires prenne auis & conseil de son ami, luy descharge ses soucis, luy descouvre ses tristesses, & espanse en son sein toute son amertume : pour se conseiller à luy s'il y a du remede, & se consoler avec luy s'il n'y a point de remede. Ceci donc aussi soit vne des marques de l'amour de Dieu, asçauoir vne frequente communication par laquelle le fidele se conseille ou se console avec Dieu.

Car l'homme qui aime Dieu, ayant à deliberer de quelque chose importante consulte premierement la bouche du Seigneur, & s'enquiert de sa volonté. Pour exemple : Sur le choix de religion il n'appellera point le

ventre en conseil, ni les esperances humaines. Il n'imitera point les Sichemites qui prenoyent le seau de l'alliance de Dieu pour auoir la substance & le bestail des enfans de Iacob : ni les Iuifs lesquels au 6. de Sainct Iehan suiuent Iesus-Christ pour auoir du pain : Il ne fera point Iesus-Christ luy seruir de pouruoyeur, ni la religion estre vne marchandise du temps, ou vne dependance de ses affaires domestiques. La crainte des hommes, la honte, les respects, l'honneur mondain, l'auarice, comme conseilleres aueugles & traistresses ne seront admises en ce conseil: Mais il se retirera à part avec Dieu. Là apres l'a-

voir inuoqué ardemment & imploré sa grace, il se resoudra de ne rien croire que ce qu'il nous a enseigné en sa Parole, laquelle nous peut rendre sages à salut : en laquelle s'il y a quelques difficultez, toutefois ce qui reste de clair est suffisant pour nous instruire. Joint que s'il demande en foy au nom de Iesus-Christ la grace de l'entendre assez pour son salut, Iesus-Christ promet que tout ce que nous demanderons en son Nom il nous le donnera.

Pareillemēt s'il est question de prendre parti, & choisir vne vocation, il se conseillera premieremēt avec Dieu, afin de choisir la vocation en laquelle il sera moins sollicité à

offenser Dieu; en laquelle il aura plus de moyen de seruir à sa gloire : Apres ceste consultation la prudence humaine pourra estre ouïye en son rang, non comme maistresse pour reigler, mais comme seruante qui parle quand on l'interroge : Ce sera à elle de proposer quelles sont nos forces, quelle la necessité presente, quel le cours du temps, & les circonstances du lieu & des personnes.

De mesme s'il est question de se marier, l'homme fidele consultera auant toutes choses la bouche du Seigneur, & orra l'Apostre Sainct Paul, 1. Corinth. 7. commãdant que ce soit au Seigneur : & Dieu mesme au 7. du Deutero-

DE L'AMOUR

Genes. 26.
5.

nome, ne voulant que nous contractions mariage qu'avec personnes fideles. Ainsi se marierent Isaac & Iacob par le commandement de leurs peres. Mais Esaü prit des femmes infideles, *lesquelles furent en amertume d'esprit à Isaac & à Rebecca.* Je passe les considerations des inconueniens qui en arriuent: car icy nous ne recherchons que les preuues & effects du vray amour de Dieu. Car si vn ami s'estoit marié sans en communiquer à son ami, n'auroit-il pas sujet de dire, vous vous meffiez de moy, & faites vos affaires sans m'en parler? Que si Dieu nous a manifesté tout son conseil, comme dit Sainct Paul au 20. des

Actes, ferons nous difficulté de luy communiquer les nostres? Son conseil di-je qui est vn abyfme de sagesse; plein de myfteres saints & salutaires : Au contraire nos conseils qui ne sont que choses legeres; & où il veut estre nostre conseiller pour nostre bien, & lesquels il cognoist sans les luy communiquer? Certainement c'est vn bon conseiller que la Parole de Dieu, qui nous conseille sans flatterie, qui nous reigle sans ambiguité. Et le Prophete Esaye au 9. chap. appelle Iesus-Christ *le Conseiller*, non seulement parce qu'il nous a manifesté le conseil de Dieu en l'Euangile: mais pource qu'il nous doibt con-

seiller en nos doubtes , & nous resoudre en nos deliberations.

Ce que ie dis de nos difficultés se doibt aussi entendre de nos tristesses , esquelles nous deuons nous adresser à Dieu, luy former nos plaintes, luy espandre nos pleurs, luy descourir nos afflictions avec vne liberté filiale : & il les sçait bien sans que nous les luy cōmuniquions, mais il veut nous donner soulagement par ceste communication. Prenés exemple de ceciés Pseaumes de Daud où vous aués vne anatomie des pensées du fidèle, & vn pourtrait d'une diuerse agitation au dedans. Vous verrés plusieurs Pseaumes (comme le

6. le 22. le 51. &c.) où les commencemens sont precipités, & l'entrée pleine d'angoisse & cōme à deux doigts du desespoir : mais à la fin vous n'y voyés que ioye & assurance. Vous diriés que le Pseaume a esté composé par deux hommes de contraire humeur. D'où luy vient ce changement si subit ? Est-ce qu'au milieu de sa priere quelques bonnes nouvelles luy soient arriuées qui ayent allegé sa douleur ? Nullement. Ains c'est qu'à mesure qu'il s'entretenoit avec Dieu il sentoit du soulagement, & son ame se relevant sous le faix en fin s'arrestoit sur ses promesses, & en sortoit avec paix & assurance. Qui est le fidele qui

ait pratiqué cet exercice & n'en ait senti de l'allegement? Et si vn chagrin obstiné, & qui tient tousiours la main dessus la playe s'attache à nos esprits & les consume, ne doibt-il pas estre imputé à faute de ceste communication avec Dieu? Les pleurs retenus cuisent au double, & estans versés inutilemēt toutesfois deschargent la douleur, & dōnent air à la playe. Mais respandus deuant Dieu qui s'est obligé par promesse, voire par serment de ne nous abandonner point, apportent vne grāde consolation: deuant Dieu dis-ie qui inter-
ne nos requestes, voire qui les preuient: iusques là que Dauid dit au Pseaume 32. que
Dieu

Dieu luy a pardonné son pe-
ché non seulement apres sa
demande, mais si tost qu'il a
eu volonté de le demander.
Car il ne requiert point de
nous des prieres, pource qu'il
ait besoing de nostre seruice,
mais pource que nous auons
besoing de sa grace; & que se-
lon sa iustice elle ne doibt
estre donnée à ceux qui ne
daignent la demander. Com-
me le Soleil tire des vapeurs
de la terre, non pour soy, mais
pour les rendre à la terre en
pluyes qui l'engraissent: ainsi
Dieu vray Soleil de nos a-
mes tire de nous des souspirs
& prieres, non pour son pro-
fit, mais pour les faire repleu-
uir sur nous en benediçtiōs.
Ceste mesme communica-

tion frequente avec Dieu en nos afflictions nous apprendra à destourner nos yeux des hōmes qui nous affligent vers Dieu qui les emploie, & à n'estre point comme le chien frappé qui s'irrite contre la pierre. L'homme qui aime Dieu dira comme David, lors que Semei le maudissoit. *Qu'il me maudisse : car l'Eternel luy a dict.* Le Seigneur m'esprouve, ou me corrige : mes pechez fortifient mes ennemis, & les rendent necessaires. Les battures de Dieu sont plus salutaires que les flatte-ries du monde. En nos playes domestiques gardons nous de ressembler aux blesez tombez en phrenesie, qui deschirent l'appareil.

Mesmes hors l'affliction & en pleine prosperité, quelle douceur & plaisir en ceste communication? Car selon le commandement de nostre Sauueur au 6. de S. Matthieu, le fidele *entrera en son cabinet, & ayant fermé son huys priera son pere qui le void en secret, & qui le luy rendra à descouuert.* Là couuert des yeux des hōmes il se descouurira deuant Dieu avec moins de distraction & plus de familiarité. Là apres auoir parlé à soy-mesme, il se fera son procez, se condamnera afin que Dieu ne le condamne point. Et prenant le miroir de la Loy il y recognoistra les taches de son ame; cherchera de les couvrir par la foy, & les corriger par

la repentance. Là il meditera les œuvres de Dieu par l'univers, ses iugemens contre ses ennemis, ses benefices enuers son Eglise, & particulieremēt enuers sa personne. Commēt Dieu l'a conduit, comment instruit, comment amené à sa cognoissance. Comment tāt de Monarques & de peuples se sont hurtés contre l'Eglise chetifue & contemptible en apparence & se sont brisés: mais l'Eglise de Dieu subsiste & subsistera iusques à la fin. Mesmes dressant vne eschelle à sa meditation il s'esleuera en là contemplation des œuvres de nostre redemption: remarquant comment Dieu a voulu que les remedes fussent proportionnés au mal;

Car pource que l'homme
s'estant voulu faire semblable
à Dieu, en s'esleuant est tom-
bé en la mort, Dieu s'estant
fait semblable à l'homme, en
s'abaissant l'a restitué en la
vie. Et cōme la femme auoit
apporté à l'homme le fruit
de mort, aussi Dieu a voulu
que la femme, asçauoir la
Sainte Vierge, luy apportast
le fruit de vie. Et comme du
sommeil profond du premier
Adam Dieu luy tira vne fem-
me qui fut os de ses os, &
chair de sa chair, aussi par la
mort du second Adam que
l'Ecriture appelle vn dormir,
Dieu luy a acquis vne espou-
se asçauoir son Eglise, laquel-
le est vn corps avec luy. En
ceste mesme meditation il

DE L'AMOUR

admirera comment en vne
 personne Dieu s'est vni avec
 l'homme, ayant ioint l'au-
 theur de vie avec vn corps
 mortel : enfermant tous les
 thresors celestes en vn vais-
 seau de terre, afin que là nous
 puissions de sa plenitude;
 Comment par l'infirmité de
 ceste chair il a vaincu la force
 de Satā: de son extreme igno-
 minie tiré vne souueraine
 gloire: de la mort de cet hom-
 me tiré la vie de tous les hom-
 mes : par ceste mesme vertu
 par laquelle il auoit au com-
 mencement du monde tiré
 des tenebres la lumiere.

En ceste contemplation
 comme embrasé du feu de
 cet amour diuin, il s'esleuera
 par foy iusques en la gloire

celeste, où Dieu descouure sa face, où les harpes des saints resonnent, où les Seraphins assistans deuant le throsne crient Saint, Saint, Saint est l'Eternel des armées. O combien c'est chose douce de se ioincre à leurs louanges, & tenir sa partie en ceste harmonie celeste. Vn seul rais de ceste gloire en la transfiguration de Iesus-Christ en la montagne auoit osté à S. Pierre la memoire de sa maison, de sa femme & de sa famille, Il est bõ (disoit-il) que nous demuriõs icy, & y vouloit faire des tabernacles. Cõbien plus eust-il esté rai, si luy-mesme eust esté transfiguré, comme dit l'Apostre, que Iesus-Christ transformera *Phil. 3. 21.*

nostre corps vil afin qu'il soit rendu conforme à son corps glorieux? Quidoute que S. Pierre, quãd ceste gloire disparut, n'ait esté saisi d'une grande tristesse? Et de fait le cœur du fidele apres ceste meditation, reuenant à considerer ces choses basses & terriènes est necessairemēt touché d'un grand degoust, mesprise la terre & s'ennuye des'y voir attaché : pour dire aucc David, Pseaume 42. *O quand me presenteray-je deuant la face de Dieu?* Ce sont ces pē- sées qui rendoiēt ce Prophe- te alteré & defaillant apres les paruis du Seigneur. Ce sont ces pensées qui font de- sirer à S. Paul de desloger & estre avec Christ : qui luy font estimer ce qui est gain aux au-

Pf. 48. Et

42.

Phil. 1.

Ch. 3.

tres luy estre dommage. Ce sont ces pensées qui ont mesme de nostre temps soustenu les martyrs, qui les ont faict aller à la mort avec le visage de ceux qui en retournent. Car *l'amour* (dit Salomon) *est fort comme la mort*: Voire plus fort que la mort, puis qu'il fait mespriser la vie.

Ceste ardeur d'amours s'entretenant en nos ames par vne cōmunication frequente avec Dieu: vous reconnoissez aisément que la cause de nostre froideur & lascheté en cet amour est pource que nous ne parlons gueres souvent à Dieu. Les amitiés les plus estroites se refroidissent par faute de communicatiō: combien plus si l'amitié n'y a

iamais esté ? comme de faiçt
l'homme naturellement est
né en inimitié contre Dieu.
Cela est vn mal commun:
C'est que nous sommes exer-
cés à parler avec les autres,
mais biē peu avec nous-mes-
mes , & moins encores avec
Dieu. Si quelques heures de
solitude nous desrobent aux
hommes, elles ne nous don-
nent point pourtant à Dieu.
Si nous entrons seuls en no-
stre cabinet nous n'entrons
pas pourtant en nous-mes-
mes , pour nous examiner,
sonder nos playes , taster le
poux de nos consciences, ou
pour parler avec Dieu. Et
toutefois nul ne le verra là
haut qui ne l'a soigneusemēt
recherché icy bas, & ne s'est

soigneusement entretenu avec luy, par prieres, par meditations, par l'ouye & lecture de sa parole. Estudions nous à cela, & de nostre vie qui se coupe en mille parties, entre mille occupations, procès, sollicitations, affaires publiques & domestiques, soustrayons en quelques heures pour les donner à Dieu; nous tirant hors de la presse & de ce tabut mondain pour mediter à repos les choses qui appartiennent à nostre salut: cōme si par vn canal nous diuertissions vne partie de l'eau d'un torrent trouble, pour la faire couler avec douceur & clarté. Vn ruisseau courant ne represente point les images; vn esprit qui est touf-

jours en action & tousiours embrouïllé d'affaires, à peine peut-il se former à l'image de Dieu. Il faut donc distraire quelques heures pour parler avec Dieu. Tout le temps de nostre vie se perd hors-mis celuy qui s'est ainsi mesnagé. Ce temps-là est seul à nous, lequel nous donnōs à Dieu.

Que nul n'allegue icy ses affaires domestiques : car si nous sommes enfans de dieu, le seruice de Dieu nous est vne affaire domestique. Et mesmes en trauaillant de nos mains, qui nous empesche de penser à Dieu , & enuoyer par souspirs entre-rompus ceste sorte de prieres que les Anciens appelloient ejaculatoires ? Prieres courtes qui se
peu-

peuvent faire par tout : prieres élançées:faillies spirituelles , nées de l'occasion presente : prieres qui n'ont autre ornement que l'ardeur, dont les clauses n'ont autre liaison que la nécessité. Qui doute que le Prophete Elisée en labourant aux champs , de ce labour mesmes ne prist occasion de dire, nous semons icy en larmes , mais au ciel nous moissonnerons en liesse ? Ou que l'Apostre S. Paul travaillant de ses mains à faire des pavillons , de ce travail terrien ne prist occasion de penser au repos celeste ? Le chemin est par tout ouuert à la priere . Et l'amour de Dieu est ingenieux à suggerer des pensées, qui comme estincel-

M

les de pieté se lancent & esle-
uent vers Dieu.

*Cinquième marque de l'A-
mour de Dieu.*

*Zele à la
gloire de
Dieu.*

LA vie d'un corps se dis-
cerne par ces deux mar-
ques. 1. Par le mouvement.
2. Par le sentiment. L'amour
de Dieu estant la vie de nos
âmes, se recognoist aussi par
ces deux choses. Les quatre
marques de cet amour que
nous auons iusques icy re-
présentées sont le mouue-
ment de nos âmes, car ce sont
actions saintes & mouue-
mens spirituels produits par
l'amour de Dieu. Mais ceste
cinquième marque est le sen-
timent : asçauoir *une affection*
qui rend l'homme sensible à estre

esmeu ou de douleur , ou de ioye , selon que Dieu est ou blasphemé , ou glorifié. L'amour charnel & vicieux nous seruira d'exemple. On lit du fils du Roy Antigonus qu'estant grièvement malade, & nul ne sachant la cause de sa maladie, sō medecin recogneut que la maladie luy venoit de l'amour de sa belle mere, pource qu'elle estant entrée en la chambre le poux du malade s'estoit extraordinairement esmeu. Le mesme aduient en l'amour de Dieu : Tout homme qui en est possédé lors qu'il void Dieu estre glorifié, ou son nō & sa verité blasphemée , encores qu'il tasche à se retenir, si est-ce que le poux de la conscience s'esmouura extraor-

dinairement ou de ioye ou de
marrissement & impatience.
Il luy aduiendra comme au
fils de Cræsus, lequel estant
muet vint subitement à par-
ler voyant son pere assailli, la
crainte & la douleur ayant
vaincu les empeschemens de
la nature. Car l'esprit de Je-
sus-Christ habitant en luy,
produit en luy les mesmes ef-
fects qu'en Iesus-Christ, du-
quel il est escrit, *Le zele de ta*
maison m'a mangé. Ceste affe-
ction vlceroit l'Apostre S.
Paul à Athenes, & enaigris-
soit son esprit considerant la
ville addonnée à idolatrie.
Ce mesme zele auoit espris
l'esprit de la belle fille d'Heli,
en sorte qu'en mourant elle
ne s'affligoit point tant ni

Ieb. 2. 17.

Rem. 15. 3.

Act. 17. 16.

pour sa mort, ni pour celle de son mari, que pour l'arche de l'alliance prise par les infidèles. C'est de cela seul qu'elle parle en mourant. *La gloire de l'Eternel* (dit-elle) *est transportée d'Israël.* Il n'y a point d'effect plus certain de l'amour de Dieu, que cestuy-ci: Car si en mesme temps nous recevons deux nouvelles, l'une de la perte d'un procès, l'autre de la reuolte de quelques personnes achetées: & sommes plus contristés du dernier que du premier. Ou si nous sommes plus courroucez d'ouyr blasphemer Dieu que de nous ouyr iniurier, alors nous auons en nous un certain tesmoignage que l'amour de Dieu est viuement

empreint en nos aines. Le bon sang ne ment point: tout fils bien né est touché au vif des outrages faits à son pere. Quiconques ne s'en esmeut point se confesse bastard ou estranger. Mal que nous voyons deuant nos yeux à nostre grād regret: car à ceux qui font profession de porter l'espée, & d'entendre le poinct d'honneur si on dit la moindre parole de trauers c'est pour se couper la gorge: ainsi ils confessent que leur vie ne vaut gueres, puis qu'ils la hasardent pour si peu, & la mettent à tous les iours: mais si Dieu est outragé & sa verité calomniée: si on blasphème le nom de Dieu deuant leurs yeux ils demeurent im-

mobiles, & mesmes y participent. Nous sommes ladres és choses spirituelles : mais fort sensibles és charnelles. Nous allons par curiosité à des sermons où la verité de Dieu est combattue, & nostre presence est prise par les infirmes pour approbation : mais nous ne voudriõs nous trouver en compagnie assemblée exprès pour diffamer l'honneur de nostre maison, sinon pour y contredire. Passons en ce poinct cõdammation volontaire, & reconnoissons que ce sentiment spirituel est fort foible en nous, afin de demander à Dieu qu'il le réueille, nous eschauffant en son amour.

M iij

DE ces cinq degres , & cinq marques, vous recueillés aisémēt que l'amour de Dieu ne consiste point seulemēt à auoir bonne opinion de Dieu , ou à bien sentir & parler de Dieu : mais que principalement il consiste à luy obeir & se conformer à sa volonté. Ainsi Dieu en sa Loy dit qu'il fait misericorde à ceux qui l'aiment: mais il adjouste , *& qui gardēt mes commandemens.* Et Iesus-Christ en S. Iehan 14. *Qui m'aimera il gardera ma parole.* Et le mesme Apostre aillicurs:

1. Ieh. ch. 3. Mes petits enfans n'aimés point de parole ni de langue: mais d'œuvre & en verité. La relligion pure & sans macule (dit S. Iacques) enuers nostre Dieu & Pe-

Ch. 1. vers. 27.

re, est de visiter les orphelins & les vefues en leur tribulation, & se contregarder sans estre entaché de ce monde. Mais il y en a plusieurs qui mettent la religion à parler non à faire: Qui s'estudient à estre plus sçauans, mais non pas plus sages. Qui confessent Dieu de bouche & le renient par œuvre. Semblables à ceux qui frapportoient Iesus-Christ, luy *Es. 36.* *disants, Bien te soit: ou à Rabfaces qui parloit la langue du peuple de Dieu, mais pour deshonorer Dieu. Celuy ne cognoist point Dieu qui ne l'aime point, & celuy ne l'aime point qui n'obeït à sa volonté. Les enfans d'Heli estoient instruits en la volonté de Dieu, car estans*

DE L'AMOUR

Sacrificateurs ils l'enseigno-
 1. Sap. 2. 12. yent aux autres : Et toutefois
 l'Escripture dit qu'ils ne co-
 gnoissoient point Dieu pour-
 ce qu'ils ne l'aymoient point.
 Cor. 4. 20. *Le Royaume de Dieu* (dit S. Paul)
ne gist point en parole mais en ver-
tu : Il est le mesme de son a-
 mour. Ainsi David au Psea-
 me 33. dit que la louange est
 bien seante : mais il adiouste
en la bouche des hommes droits.
 Quant au meschant Dieu luy
 dit au Pseaume 50. *Pourquoy*
prends-tu mes paroles en ta bou-
che ? C'est pourquoy Iesus
 Christ lors que le Diable le
 confessoit , luy dit, *Tay-toy* :
 Car la louange de Dieu & la
 verité de la religion s'auilt
 en la bouche du meschant,
 & y perd de son autorité :

Car elle est faite compagne
des vices : & la liurée des en-
fans de Dieu deuient par ce
moyen vne couuerture d'im-
pureté. Tu dis i'ayme Dieu,
mais mesprises sa volonté.
I'ayme Dieu, mais tu hays
l'image de Dieu. Peux-tu ai-
mer Dieu sans l'ensuiure? ou
ensuiure celuy qui fait bien
à ses ennemis, pendant que
tu vis en discord avec tes fre-
res? Nous protestons tous
d'aimer Dieu, mais nous ai-
mons mieux l'accroissement
de nostre argent que l'auan-
cement de sa cause. Nous
protestōs de le craindre: mais
nous ne craignons pas de fai-
re deuant luy des choses que
nous craindrions de faire de-
uant les hommes. Qui est le

DE L'AMOUR.

batteur ou le larron qui vou-
lust frapper ou desrober en
presence de son iuge? & ce-
pendant que ne faisons-nous
en presence de Dieu, iuge
non seulement de nos actiōs,
mais aussi de nos pensees?
Nous protestons d'aimer Ie-
sus Christ, & abandonnons
ses membres, qui sont les
pauvres. Nous despendons
plus en vn quart d'heure au
ieu qu'en vn an en aumosnes.
La superfluité de nos habits
vestiroit vn grand nombre
de pauvres. Tout se donne
au plaisir & rien à la pieté:
tout à nostre cōuoitise & rien
à l'amour de Dieu. Celuy-là
aime-il Dieu qui ne parle pas
volontiers à luy, ni de luy? ou
qui ne prend point conseil
de

de Dieu en ses difficultés ? ou qui n'est point touché du zele de sa gloire ? Cependant il n'y a personne d'entre nous qui ne face profession d'aimer Dieu : c'est à dire que nous l'aymons en gros & le hayssons en detail : que cela se disant en general nous nous dédions en particulier. Que nous parlons du ciel, mais ayants le cœur en terre. Par ce moyen si on regarde à part nostre amour de Dieu c'est quelque chose de specieux : mais si on le met en balance avec l'amour du monde, de nos plaisirs, de nos richesses & grâdeurs, il se trouue fort leger : tellement que nostre amour est vne espece de mespris & à deux doigts

N

de la haine. Prenons garde à nous. Car nous ne serons point iugez selon ceste profession generale, mais selon nos actions particulieres: Et si ainsi est que nous n'aimons pas Dieu comme il faut si nous aimons quelque chose avec luy autrement que pour l'amour de luy, comment subsisterons nous deuant luy si nous aimons quelque chose plus que luy? voire contre luy? en aimant ce que Dieu hayt, asçauoir le monde & les conuoitises, & caressant ses ennemis en sa presence?

C H A P. I V.

*Cinq moyens ou Aydes
pour nous eschauffer en
l'Amour de Dieu.*

R Estent les moyens de
nourrir en nous cet a-
mour. Il est voirement vn ef-
fect de l'Esprit de sanctifica-
tion que Dieu ne donne qu'à
ses enfans. Dont aussi cet es-
prit est appellé l'esprit d'ado-
ption par l'Apostre, pource Ren. 8.
qu'il ne se donne qu'aux en-
fans de Dieu qu'il a adoptés
en Iesus-Christ, & pource
qu'il forme leurs cœurs à vn
amour filial, & à s'adresser à

DE L'AMOUR

Dieu comme à leur Pere. Il faut que la grace de Dieu préuienne nos volonte, afin qu'elles veillent; qu'elle les accompagne, afin qu'elles veillent avec fermeté: qu'elle les suiue, afin qu'elles ne veillent point sans fruct. C'est

Phil. 2. 13.

Dieu qui produit en nous avec efficace le vouloir & le parfaire selon son bon plaisir. Neantmoins Dieu ne nous meut pas comme pierres: il fait que nous suiuous volontiers: il fleschit nos volonte par vne necessité sans contrainte.

1. Cor. 3. 9.

C'est pourquoy nous sommes appellés cooperateurs avec Dieu. C'est pourquoy au mesme endroit auquel S. Paul dit que Dieu donne le vouloir & le parfaire selon

son bon plaisir; neantmoins
il veut que nous nous employons *Philip. 2. 12.*
à nostre propre salut avec crainte & 13.
& tremblement.

Le moyen donc de nous
employer à nourrir & culti-
uer en nous l'amour de Dieu,
est en general de s'addonner
à bonnes œuures, lesquelles
luy sont agreables: Mais en
ce travail, ie trouue cinq ai-
des, par lesquelles la pruden-
ce jointe avec la pieté par
vne saine industrie réueille
en nous cet amour, & met
comme des allumettes sous
nos cœurs pour y allumer
ceste flamme spirituelle.

Ces moyens ou aides sont.

- I. L'image des vices.
- II. Le choix des amis.
- III. La haine du monde.

IV. La priere: *in quo* nonV. L'ouye & lecture de la
parole de Dieu.*Premiere aide de l'A-*
*mour de Dieu.*Image des
vices.

CEux qui vident de leur
Clogis le fumier des che-
vaux, y en engraisent les ter-
res; & en se deliurant de ceste
infection, en tirent railleurs
du profit. L'homme fidele
doit ensuiure cet exemple.
Car c'est le deuoir de la pieté
de vider de chez nous les
vices qui sont de mauuaise
odeur deuant Dieu: mais la
prudencé Chrestienne trou-
ue moyen de tirer mesmes de
ces ordures quelque com-
modité.

Celuy donc qui voudra
trouuer vn modele pour for-
mer dessus l'amour de son
Dieu, doibt regarder entre
tous les vices le plus mon-
strueux & le plus obstiné; &
ils le sont tous assés: toutefois
l'estime que l'auarice extre-
me l'emporte de quelques
grains. Qu'elle soit donc mi-
se en veüe, & que ce monstre
qui corrompt l'homme quãd
il est dedans l'homme, ensci-
gne l'homme estant mis de-
hors, & l'édoctrine de loing.
Car voulez vous aimer Dieu
comme il faut? aimés le com-
me vn homme extrêmement
auare aime son argent. L'a-
uarice oste le repos, & trou-
ble le sommeil, son argent est
sa premiere penséc à son ré-

ueil: qu'aussi l'amour de Dieu interrompe vostre sommeil, entretienne vos pensées de nuit, que ce soit la premiere pensée à vostre réveil: pour mediter ses graces passées, pour disposer vostre vie future, pour pleurer vostre péché au chant du coq. L'avarice enferme le cœur de l'avaricieux en ses coffres où est son thresor: aussi que l'amour de Dieu attache vostre cœur au ciel, afin que là où est vostre thresor, là aussi soit vostre cœur. L'avarice arrache à l'avaricieux le pain de la main & le fait passer à peu: ainsi il faut que l'amour de Dieu nous soit vn maistre d'abstinence, pour matter ce corps, pour se passer à peu, pour se

priuer quand il le faut des cō-
modités temporelles pour
son seruice. L'auaricieux en-
treprend pour le gain des
longs voyages, s'esloignant
de sa femme & de ses enfans:
ainsi faut-il que l'amour de
Dieu nous prepare à souste-
nir des bānissemens, à quitter
femmes & enfans pour sui-
ure Dieu, nous souuenans de
la sentēce du Seigneur, Mat.
10. *Qui aime pere ou mere plus
que moy n'est pas digne de moy: ou
qui aime fils ou fille plus que moy
n'est pas digne de moy.* L'aua-
ricieux ayant presté à vsure
calcule le temps, & attend le
terme avec impatience: ainsi
nous qui sçauons que Dieu a
entre ses mains nostre de-
post, & qu'il nous rēdra avec

vsure nos aumosnes, deuons attendre avec impatience le terme du payement, & cependant garder bien pretieusement son obligation, qui est la doctrine de l'Euāgile. L'auaricieux plus il vieillit plus il veult amasser, il vit pauvre afin de mourir riche: ses desseins d'amasser sont plus lōgs quand le terme de sa vie est plus court: Ainsi il fault que le vieillard craignant Dieu face plus soigneusement provision de foy & de bonnes œuures: ce sōt especes qu'on met au ciel & il les emportera. Qu'il viue pauvre en biens terriens, afin de mourir riche en biens celestes. La vieillesse est le marc & la lie de la vie: mais en l'homme fidele elle

le renouvelle comme à l'ai- *Ps. 103.*

gle : alors il sent les mouuemēs plus vifs & plus certains de la vie future. Alors il a le prix quasi sous la main, estant près du bout de la carrière.

Quand les riuieres sont près de leur fin & approchent de la mer, le flux de la mer leur vient au deuāt & les rencontre en chemin : Ainsi quand le cours de la vie du fidele approche de sō bout, alors dieu luy vient au deuant, & deuāt la mort luy donne des gousts & sentimens de la vie future.

C'est lors qu'il faut estre saintement auaricieux, mesnager ses iours, faire vn fonds de foy, enuoyer deuant soy ses bonnes œuures, se faire des amis qui nous reçoient és tabernacles eternels.

DE L'AMOUR

Ceste meditation qui tourne les vices de tout cens , & les regarde de tous costés, les fait contre leur volôté exemples & aides de la vertu : Cōme Amorrhéens captifs assujettis à dresser où à nettoyer le tabernacle: comme vne femme Hethienne à laquelle on a coupé le poil & les ongles. Deuter. 21. Car les vertus sont si foibles en nous que pour s'esleuer elles empruntent l'aide des vices; elles passent aux Philistins pour éguiser leur couteau. D'autant que nous ne pouuons comprendre combien nous deuons à Dieu que par la consideration de ce que nous donnōs à nos cōuoitises : car tout cela luy est desrobbé.

Deuxième

1. Sam. 13.
20.

*Deuxième aide de l'A-
mour de Dieu.*

LEs brebis de Iacob agne- *Choix d'a-*
mis.
loyent des petits tache-
tés selon la couleur des ver- *Genes. 30.*
ges posées deuant elles. Ainsi *37.*
les hommes produisent des
œuvres conformes aux ob-
iects qu'ils ont ordinaiemēt
deuant eux. Le mal est, que
la corruption de l'homme est
telle, que les bons exemples
n'ont point tant de force à
nous dresser au bien, que les
mauuais à nous induire au
mal. Car comme vn homme
pestiferé infectera plustost v-
ne douzaine de sains en les
hantant, que ces sains ne le
pourront guerir : de mesme

O

DE L'AMOUR

vn homme vicieux infectera
plustost plusieurs gens de
bien, qu'il ne sera corrigé par
leur exemple. Car le vice est
icy en son terroir , il y vient
sans planter , il y croist sans
peine : beaucoup plus donc
estant fortifié par dehors , &
soigneusement cultiué. Mais
la vertu est estrangere & res-
semble à vne semence appor-
tée du Leuant, laquelle apres
beaucoup de soing & d'estu-
de, neantmoins degenerate &
s'abastardit. Sur tout en la
contagion de ce temps , qui
est comme la lie & l'égoust
des siècles, auquel la vertu est
vn prodige, & la pieté vn cri-
me ou vne simplicité : car
ainsi appelle on la sottise en
ce temps, auquel pour rendre

la vertu odieuse on reuest la brutalité de son habit. Tout ainsi qu'il est mal-aisé que les troupeaux paissants entre les buissons espineux n'y laissent de leur laine, ainsi est-il mal-aisé à vn homme de bien, vivant parmi vne si grãde corruption, qu'il n'y laisse de son innocence. On s'escoule insensiblement: on s'auance en pis sans y penser, comme personnes dormantes en vn bateau emporté par le fil de l'eau, qui font beaucoup de chemin sans le sentir. Pourtant faut-il prendre garde à nous, & parmi vn air si contagieux se munir de preseruatifs, desquels le meilleur est l'amour & crainte de Dieu. Et cet amour se nourrit par

la hantise de ceux qui l'aiment. Il faut s'accointer de ceux auxquels il faut ressembler. Afin que le fidele avec quelque peu d'amis aimants Dieu, se retirant comme de la foule des vices regarde de loing avec horreur le débordement de ce torrent, & la puissance du regne du Diable : se consolant cependant en Dieu, & se reposant en son amour.

Ceste mesme amitié entre fideles leur servira à se mieux cognoistre eux-mesmes : car puis que nous sommes aveugles en nos imperfections, nous devons emprunter les yeux de nos amis & leur prester les nostres : afin de nous reprendre & corriger mu-

tuellement. Les reprehensions serieuses d'un ami valent mieux que les louanges, fussent elles veritables. Qui oste à l'amitié la liberté des reprehensions, ne luy laisse rien qui la discerne de la flatterie.

Et puis que nous sommes naturellement perclus & paralytiques en matiere du seruice de Dieu, faut employer l'ayde de nos amis afin qu'ils nous portent en ceste piscine pour receuoir guerison. Car Dieu ne nous communique point ses graces afin qu'elles croupissent chez nous, mais afin que nous multiplions le talent, & que la source de ses benedictions spirituelles qu'il fait sourdre chez nous coule en dehors, & serue a l'instru-

ction de nostre prochain.
 Comme Iesus Christ dit a S.
 Pierre. *Mais toy estant conuerti*
conferme tes freres. Car si Dieu
 commande de raddresser le
 bœuf de son ennemi, com-
 bien plus l'ame de son ami,
 lors qu'elle se déuoye du che-
 min de salut?

Ceste communication aussi
 entre fideles apporte du sou-
 lagement en l'affliction, la-
 quelle diuisee entre plusieurs
 se supporte plus aisément.
 Plusieurs petits ruisseaux vnīs
 en vn canal portent des gros
 basteaux: plusieurs esprits af-
 fligés se ioignants ensemble
 par concorde & support mu-
 tuel supporteront aisément
 l'affliction. Et la parole de
 Dieu nous tesmoigne que

Dieu y regard, & escoute & prend plaisir aux consolatiōs & exhortations mutuelles de ses enfans. Ainsi le Prophe- te Malachie au 3. chapitre dit que lors que les orgueilleux sont estimés heureux & les meschans sont auancez, alors ont parlé l'un à l'autre ceux qui craignent l'Eternel. Et l'Eternel a esté attentif & a ouy, & on a escrit vn liure de memoire deuant luy pour ceux qui craignent l'E- ternel, & pensent à son nom. Et ils seront miens (a dict l'Eternel) lors que ie mettrai à part mes plus precieux ioyaux. O combien c'est vn precieux threor qu'un ami vertueux & aimât Dieu. Et pleust à Dieu que comme nous sommes exer- cés à recognoistre par des

O iiij

marques la bonté & generosité d'un cheual, qu'aussi en ce choix d'amis nous peussions à voir un homme recognoistre sa vertu. Mais les cachettes de l'esprit de l'homme sont si profondes, qu'il trompe & soy & autrui, & se cache mesme à soy-mesme. Neantmoins par l'innocence en actions, par la chasteté en paroles, par la simplicité en habits, par le zele & ardeur à la cause de Dieu, par le mespris du gain, par la fuyte des voluptez, vous recognoistrez fort probablement la pureté de l'interieur, tout ainsi que par des estincelles sortantes d'un tas de cendre on recognoist le feu caché.

*Troisième aide de l'A-
mour de Dieu.*

LE mespris aussi & la hay- MESPRIS
ET HAINE
du monde.
ne du monde n'est pas
vne petite aide à aimer Dieu.
Car l'amour du monde (dit S.
Iaques) est inimitié contre Dieu.
Et S. Iehan de mesme. Si quel- I. Ieh. 2.
qu'un aime le monde l'amour du
Pere n'est point en luy. Par le
monde j'entens les occupa-
tiōs humaines, le lustre mon-
dain, les appasts charnels, les
conuoitises terriennes, les es-
perances trompeuses & in-
certaines. Quiconques aime
Dieu regardera ces choses
avec mespris. Il passera son
esprit par tous les aages de
l'homme depuis sa conce-

Eccles. I.

ption iusques à la pourriture
 du sepulchre. Il considerera
 en toutes les conditions &
 estats de la vie humaine, la
 misere certaine, les esperan-
 ces incertaines, le trauail in-
 fructueux. Pour dire avec Sa-
 lomon, *Vanité tres-vaine tout*
est vanité: regardant ces cho-
 ses avec vn mespris meslé de
 compassion: Mespris qui pas-
 sera iusques à la haine, quand
 il considerera la meschance-
 té meslée parmi la vanité, &
 le Diable auoir tellemēt esta-
 bli son regne au monde, que
 c'est vn espece de miracle &
 de prodige d'y voir vn hom-
 me de bien: Ainsi que reco-
 gnoist le Prophete Esaye au
 chap. 8. *Me voyci (dit-il) & les*
enfans que l'Eternel m'a donnés

pour signe & pour miracle en Israël. Que si c'estoit vn miracle en Israël de voir vne famille instruite en la crainte de Dieu, combien plus entre les infideles ? Et si en Ierusalem, combien plus en Babylonie ? C'est donc à tort que nous nous esbahissons quãd nous voyons des exemples de desloyauté, de cruauté, ou d'impudicité: veu qu'au contraire l'Esprit de Dieu nous apprend à tenir les exemples de pieté & crainte de Dieu pour chose miraculeuse & inusitée.

Telles & semblables considerations iointes avec le sentiment de la dignité & excellence des enfans de Dieu feront que le fidele s'estimera

meilleur que le monde: & regardant la terre comme vn lieu de malediction , y viura comme passant & voyager: comme vn François qui tra- uerseroit la Perse ou Tartarie, retournant en son pays ; Car il ne parle point comme ce Philosophe, lequel enquis de quel pays il estoit , respondit qu'il estoit citoyen du monde : ains le fidele dit qu'il est estrange au monde & bourgeois des cieux. Et pourtant distrayant son affection de la terre , & esleuant son cœur à Dieu, il fait comme celuy qui du haut des Alpes où l'air est serain regarde la campagne battuë de l'orage & tout le pays broüillé: Et là se resiouit & repose sur l'amour de dieu, lequel

lequel l'a deliuré de ceste malediction generale. Ainsi au Pseaume 29. apres auoir representé le brisement des cedres, l'esbranlemēt des montagnes, le descouurement des forests par la force de la voix tonnante de l'Eternel, il retire les enfans de Dieu hors de ceste confusion, & les assemble au palais de Dieu où il est glorifié, & s'assure que Dieu donnera paix & force à son peuple. Car en ce palais de Dieu qui est son Eglise, resonance non ceste voix qui esbranle les montagnes: mais celle qui assure nos cœurs; Non ceste voix qui abbat les cedres: mais celle qui releue les consciences. Non celle qui fait auorter la biche: mais

DE L'AMOUR

qui nous fait concevoir espérance. C'est la parole de l'Evangile en laquelle Dieu déploye les thresors de son amour. A laquelle quiconques prendra goust, trouuera les douceurs du moude ameres, & en hayssant le monde apprendra à aimer Dieu.

Or cela disons nous, non pour dépouiller nos esprits de tout soing des choses terriennes; Ce mespris du monde n'empesche point l'amour de ses enfans, ni le soing de sa famille, ni la diligēce en l'administration de la magistrature. Mais le fidele fera ces choses en mesme façon qu'un passant s'accommode le mieux qu'il peut en vne hostellerie; Celuy qui n'a à y se-

iourner qu'une nuit n'y fera pas bastir une cloison, & s'il y souffre de l'incommodité il la digera aisément pource qu'il ne fait que passer. Car le fidele s'addonnera aux choses domestiques & civiles non pour y planter son bourdon (comme parlent les superstitieux) ni pour y attacher ses desseins, ou y arrester son esperance. Il pensera tousiours ailleurs, & en travaillant considerera tousiours la vanité de son travail. Il commencera tousiours ses actions par le service & inuocation du nom de Dieu, & cela sera tousiours le premier qui doit demeurer le dernier. Pendant que les mondains à l'exemple de Marthe, se travaillent excessiue-

ment apres les affaires domestiques, lui à l'exemple de Marie choisira la bonne partie laquelle ne luy fera point ostée, se tenāt aux pieds de Iesus pour escouter sa parole. S'il a des craintes humaines elles cederōt à la crainte de Dieu. S'il a des esperances elles feront place à l'esperance du Royaume des cieux. S'il a des tristesses elles seront englouties par vne plus grande tristesse prouenante ou du sentiment de ses pechez, ou de la froissure de Ioseph. Dieu mesmes en cela nous soit en exemple. Car en bastissant le monde il a fait au rebours des hommes qui bastissent. Les hommes commencent par le fondement : mais Dieu a com-

mencé par le toict : Il a estendu les cieux deuant que fonder la terre. Les œuures de Dieu naturelles nous sont des instructions spirituelles. Afin que nous suiuiions cet ordre, & que nous commençons tousiours par le soing des choses celestes : Les terriennes viendront en second rang pour y penser non par amour ou par desseing, mais par necessité, & autant qu'il est requis pour n'estre point cruel contre les siens, ou ennemi de soy-mesme. Cherchez

Matth. 6. 33.

premierement le Regne de Dieu & sa iustice & toutes autres choses vous seront données par dessus.

DE L'AMOUR
*Quatrième aide de l'A-
mour de Dieu.*

APRIE-
E.

LEs prieres frequentes
nourrissent aussi cet a-
mour. I'enten les prieres tant
publiques que particulieres.
Les publiques , qui sont vn
accord de souspirs, vne har-
monie d'affections esleuées
vnanimement à Dieu : qui
imitent ce sainct accord des
Ange & des esprits des
Saincts qui font resonner au
ciel ces harpes dont est parlé
au 5. de l'Apocalypse. Les
particulieres esquelles le fide-
le couuert des yeux des hom-
mes se descouure deuât Dieu:
luy forme ses plaintes avec
vne familiarité filiale; le prie
non par coustume , mais par

affection, avec paroles interrompuës de souspirs: qui mesme se font au milieu du travail par vn doux diuertissement, & interruption salutaire: qui n'ont autre motif que l'amour, ni autre suite que la necessité, ni autre eloquence que l'affection. Nul ne demande l'aumosne avec fleurs de Rhetorique: La simplicité familiere est bien scante à la priere. Pour faire ces prieres *Genes. 24. vers. 63,* solitaires Isaac sortoit aux champs. Ainsi le Roy Ezechias tourna sa face contre la paroy de peur d'estre diuerti en sa priere. Ainsi l'Apostre S. Pierre monta sur le haut de la maison pour prier seul. *Act. 10. 9.* Iesus-Christ mesme au 6. de S. Luc se retire en vne monta-

DE L'AMOUR.

gne pour faire son oraison, & y employe toute la nuit.

Ces deux sortes de prieres ont promesse de Dieu d'estre exaucées. Quant aux publiques, Nostre Seigneur nous promet que là où deux ou trois *Mat. 18. v.* seront assemblés en son nom il sera *19. Et 20.* au milieu d'eux, & que tout ce qu'ils demanderont d'un accord il leur sera fait. Quant aux particulieres, luy-mesme en parle ainsi au 6. de S. Mat-thieu. Quant tu pries entre en ton cabinet & ayant fermé ton huis prie ton pere qui est en secret, & ton Pere qui te void en secret te le rendra à descouvert.

Ces prieres sont autant d'allumettes de l'amour de Dieu. Car desia que Dieu vucille estre prié par nous ce nous est

vn grand tesmoignage qu'il nous aime. Nostre importunité luy est agreable. Il donne libre accès à nos prieres par son cōmandement. Pour obtenir ses graces il ne demãde de nous autre prix que nos prieres. Pour des fleuves de biens il se contente de quelques gouttes d'actiōs de graces. Il est attētif au cri de l'affligé. Il est pres de ceux qui l'inuoquent. Si le cri du sang d'Abel mort est parueniu iusques à luy, combien plus le cri de ses enfans viuants qui l'inuoquent au nom de Iesus-Christ? S'il conte nos cheueux, combien plus nos souspirs & nos prieres que luy-mesmes nous a prescrites?

Ps. 45. 18.

Ioignés à cela que la priere

DE L'AMOUR

nous est vne forte bride pour nous retenir en la crainte de Dieu. Car ceste seule pensée, que c'est deuant Dieu que nous nous presentons, deuant Dieu qui cognoist nos cœurs, qui void toutes nos ordures à trauers le manteau de l'hypocrisie, nous oblige à purifier nos cœurs & nos mains, c'est à dire nos pensées & nos actions, suiuant le commandement de l'Apostre. *Je veux* (dit-il) *que tous hommes facent prieres en tout lieu leuants les mains pures sans ire & sans question.* Au contraire Dieu par son Prophete Esaye rejette les mains pleines de sang lors mesme qu'on allonge son oraison.

Puis quand ce vient à for-

1. Tim. 2.

Es. 1.

mer nos prieres, chaque mot que nous difons est vne leçon, ou vne reproche. Pour exemple nous commençons ainsi l'oraison Dominicale. *Nostre pere qui es és cieux.* En l'appellant *nostre Pere* nous aprenons d'une part à luy estre enfans obeissãs, & à estre persuadés de son amour ; d'autre part à mespriser le monde cōme inferieur à nostre dignité, puis que nous sommes enfans de Dieu. Ce mot aussi de *NOSTRE* nous forme à charité enuers nos prochains, & à procurer leur bien non seulement en la priere, mais aussi en toutes nos actions. Et ces mots, *Qui est és cieux*, nous aduertissent de chercher les choses celestes, & que nostre

conuerſation ſoit comme de bourgeois des cieux, & comme d'enſans du Roy celeſte.

Puis quand le fidele viendra à déduire ſes demandes il ſe tanſera ſoy-meſme en ceſte façon. Ie demande à Dieu que *ſon nom ſoit ſanctifié*, & neantmoins ie le profane & deſhonore. Ie demande que *ſon regne vienne* & ſ'auance, & cependant i'y reſiſte & le retarde entant qu'en moy eſt: ne voulant point qu'il reigné en moy : ne m'aſſujettifiant point au ſceptre de ſon regne qui eſt ſa parole. Ne contribuant rien à l'eſtabliſſement de l'Egliſe de Dieu laquelle eſt appellée en l'Euangile le Regne de Dieu. Item ie demande que *ſa volonté ſoit faite*, &

te , & cependant ie refifte à
ceste volonté. Je demande
mon pain, & cependant ie con-
uoite le pain d'autrui : *Mon*
pain iournallier & neantmoins
mon soing auaricieux s'est éd
iusques à longues années.
Ainsi nous demandons que
Dieu nous pardonne comme nous
pardonnons à ceux qui nous ont
offensé , & cependant nous
sommes irreconciliables, nos
haines sōt mortelles ou pour
mieux dire immortelles , &
ne craignons pas que Dieu
nous exauce, nous pardon-
nant selon que nous pardon-
nons à nos prochains. Ainsi
nous demandons de *n'estre in-*
duits en tentation. Et toute fois
nous courōs aux tentations,
aux mauuaises compagnies,

Q

DE L'AMOUR

aux liures de contes amoureux, aux allechemens & occasions de mal faire. Finalement nous finissons ceste oraison par la mention du *regne* & de la gloire de Dieu par laquelle ceste mesme priere auoit comméce, afin de nous aduertir que cōme nos prieres, aussi toutes nos actions doiuent commencer & finir par la gloire de Dieu. Autant de demandes autant d'aduertissemens. Car Iesus-Christ par vn artifice excellent en nous enseignant à demander le bien nous apprend aussi à le faire : en reglant nos prieres il regle aussi nos actions : tellemēt qu'en parlāt à Dieu nous parlons aussi à nous-mesmes. En priāt Dieu nous

apprenons aussi à l'aimer & à le craindre.

Et certes quand vous verrez du déreiglement en vn meſnage, ou par la reuolte des enfans, ou par la diſſention entre le mari & la femme, c'eſt vn certain teſmoignage que Dieu n'y eſt point inuoqué comme il faut. Car ceſte ſeule action d'eſleuer enſemble les cœurs & les mains à Dieu euſt ſuffi pour reioindre les affectiōs diuiſees, & entretenir de iour en iour la famille en la crainte de Dieu. Car en parlant ſouuent à Dieu on apprend à l'aimer, & en l'aymant à l'enſuyure. La face de Moÿſe deuint eſclairante pour auoir parlé à Dieu, auffi vos ames deuient

Q ij

drōt esclairées de la cognoissance de Dieu quand vous les aurez accoustumées à parler souuent à Dieu.

Ces mesmes prieres nourrissent la foy , & par consequent l'amour de Dieu : car pour se fier en quelqu'un il est necessaire de l'aimer. La priere sans foy est vne espee d'injure faite à Dieu , puis qu'elle doute ou de sa puissance , ou de la verité de ses promesses.

Rom. 10.

** Comment inuokeront-ils celuy auquel ils n'ont point creu ? & pourtant Sainct Iaques, chap. 5. l'appelle priere de foy , & dit que sans la foy on ne peut rien obtenir de Dieu.*

La foy voirement engendre la priere , mais ceste fille nourrit sa mere, & en nourris-

sant la foy elle nourrit par consequent l'amour de Dieu, puis que la foy n'est autre chose que l'amour de Dieu adherant à ses promesses, & se fortifiant par les espreuves de l'assistance de Dieu, toutes & quantesfois qu'il a exaucé nos prieres.

*Cinquième ayde del' A-
mour de Dieu.*

R Este l'ouye & lecture de la parole de Dieu. Parole qui est le doigt de Dieu par lequel il engraue en nous son amour. Parole qui ne respire qu'amour. Parole d'ôt l'ouye fait tressaillir de ioye l'espouse au 2. des Cantiques. *C'est icy (dit elle) la voix de mon bien-*

Ouye & lecture de la parole de Dieu.

Rom. 10.

aimé. Et au chap. 5. *Mon ame*
a esté transie à l'ouyr parler. La
foy est de l'ouye, & l'ouye de la pa-
role de Dieu. Or ceste foy est
 cet amour mesme se fiant en
 ses promesses. L'amour donc
 de Dieu est aussi par l'ouye de
 la parole de Dieu. Dieu ayant
 voulu que comme la mort
 estoit entrée au monde par
 l'oreille, & par l'ouye de la pa-
 role du diable, qu'aussi la vie
 y entraist par l'oreille & par
 l'ouye de la parole de Dieu.
 C'est le principal moyen par
 lequel il imprime en nous
 son amour.

Car en ceste parole Dieu
 nous declare à plein son a-
 mour. C'estoit desia vn grand
 amour d'auoir ercé toutes
 choses pour l'homme, l'a-

voir establi sur l'œuvre de ses
mains. David au Pseaume 8.
raui en ceste contemplation
s'escrie, *las qu'est-ce que de l'hom-*
me que tu ayes souuenance de luy,
& du fils de l'homme que tu le vi-
sites ? Or il dit cela ayant es-
gard à la petitesse de l'hom-
me; combien plus se fust-il es-
criés'il eust considéré sa per-
uerfité? Il admire la liberalité
de Dieu enuers l'homme en
la creation, combiē plus faut-
il admirer son amour en no-
stre redemption? où non seu-
lement il donne ses biens,
mais son propre fils, & en son
fils soy-mesme? Il admire la
contemplation des cieux,
combien plus la possession? Il
glorifie Dieu pour la domi-
nation qu'il nous donne sur

les animaux, combien donc
le faut-il glorifier pour le re-
gne eternal avec ses Anges ?
A ce propos est bon d'obser-
uer que le diable qui est singe
de Dieu, a dicté aux payens
mille fables, esquelles ils font
Iuppiter leur Dieu descendre
en terre y estant attiré par l'a-
mour. Ces fables voirement
sont profanes, & qui plantent
les vices au ciel, afin de les au-
thoriser: neantmoins i'estime
que les esprits malins ont ba-
sté ces impietez à l'imitation
de la doctrine de l'Euangile,
la somme duquel est que Dieu
meu de l'amour qu'il porte au
genre humain est descendu
en terre, & par vn mariage spi-
rituels'est allié avec l'homme
en se reuestant de nostre chair

pour nous reioindre avec Dieu. Car l'Euangile n'est autre chose que le moyen d'approcher l'hōme de Dieu par la force de cet amour de Dieu enuers l'homme, lequel doit allumer en l'homme l'amour enuers Dieu. C'est pourquoy Dieu voulant représenter en vn mot, & l'amour qu'il nous porte & l'amour qu'il attend de nous, compare ce lien sacré qu'il veut auoir avec nous à vn mariage, & se dit estre ialoux de nostre amour. Ce mariage est entre Iesus-Christ & son Eglise: mariage dont le lien est l'esprit de Dieu: Dont les fiançailles se font en l'Eglise: mais le festin nuptial se fera au Royaume des cieux. Dont

le contract est l'Euangile: Contract dont les Apostres ont esté les Notaires: soubigné du sang du fils de Dieu, ratifié par la mort de tant de martyrs; mesme de nostre temps.

Ioignés à cela les tesmoignages euidents de l'amour de Dieu en la conduite & cōseruation de son Eglise, selon le recit qui en est fait en la parole de Dieu. Comment il a vengé le sang d'Abel, Comment serui de pilote & de gouuernail à son Eglise enclose dedans l'Arche. Comment pour l'amour d'Abraham & d'Isaac frappé ou retenu les Roix. Comment préparé logis à son peuple en Egypte: Comment il l'a tiré

de là en main forte & en bras estendu, ayant porté ses enfans comme sur des ailes d'aigles hors la captiuité. Comment il leur a donné sa Loy, les a repeu du pain du ciel, les a couuert de iour, & esclairé de nuict, dechassé les peuples deuant eux. Comment ses chastimés ont tousiours esté entrelacés de deliurâces, afin qu'ils ne s'endormissent en vne longue prosperité, & ne succombassent sous vne trop longue aduersité. L'histoire des Iuges, de Daud & de ses successeurs, la deliurance de Babilone, le reſtabliſſement de Ieruſalem ne ſont-ce pas vn tissu de merueilles procédées de l'amour de Dieu enuers son Eglise? Et en l'Euan-

DE L'AMOUR

gile ne voyons nous pas tout
l'Empire Romain esmeu, &
la puissance du plus grand
Empereur du monde se dé-
ployer au dénombrement de
toutes les familles, seulement
pour faire passer vne pauvre
vierge de Nazareth en Beth-
lehem, faisant ployer sous
son conseil toute l'Ambition
d'un si grand Monarque, &
contribuer sans y pésar à l'ac-
complissement des Prophe-
ties? Ce qu'il y a de plus grād
au monde marche pour le
bien des moindres de ses en-
fans, & sert à l'exécution de
son amour.

L'Escripture Saincte estant
pleine de tels exēples, à bon
droit peut elle estre appelée
le Livre du vray amour, puis
qu'en

qu'en icelle Dieu non seulement déploye son amour, mais aussi nous oblige à l'aimer, & non seulement nous exhorte à cet amour, mais aussi le produit en nous par ceste mesme parole, accompagnant la predication d'icelle de l'efficace de son S. Esprit. Et de fait i'estime que la plus-part de nous a expérimenté qu'apres loüye de la parole de Dieu des estincelles d'amour s'allument en nos cœurs, & qu'en oyant parler Dieu, ou de Dieu, nous sommes embrasés en son amour. Ainsi ces deux disciples estants en Emaüs apres que Iesus-Christ fust disparu, disent, *Nostre cœur ne brusloit-il pas en nous quand il parloit à*

*Luc. 24.
vers. 32.*

nous parle chemin, & nous declaroit les escritures? Et Ieremie au chap. 20. voulant retenir en son cœur la parole de Dieu sans la prescher, dit qu'il l'a sentie en son cœur comme vn feu ardent. Pourquoi cela sinon parce que ceste mesme parole receüe és cœurs des auditeurs les eschauffe d'une pareille ardeur? Comme aussi ces langues de feu descendâtes sur les Apostres tesmoignoient que Dieu leur donnoit des langues brulantes & une parole pleine d'efficace à eschauffer les cœurs. Pourtât ceux qui ou emportez par les affaires, ou retenus par la crainte, ou persuadés de leur suffisance, negligent de se trouver à la predication

trouuerōt insensiblement que ceste chaleur s'alētit & qu'un cal se forme sur leurs consciēces. Ceste negligence passera en degoust , le degoust en mespris, le mespris en endurcissement & inimitié contre Dieu. Quiconques veut entretenir en son cœur l'amour de Dieu doit se rendre assiduel à l'ouïe de sa parole, laquelle il a choisi comme un moyen salutaire pour esmouuoir nos cœurs, & pour repurger nos esprits: Comme dit Iesus-Christ à ses disciples, *Vous estes nets pour la parole que ie vous ay dite.* Estant là il faut escouter les enseignemēs avec auidité , souffrir les reprehensiōs avec docilité, recevoir les exhortations avec

Iehan. 15.

ardeur. Et tout ainsi que ceux
 auxquels on veut faire quel-
 que incision se laissent lier &
 garroter par l'opérateur, de
 peur que le mouvement du
 patient n'empesche l'opera-
 tion, ainsi faut-il que lors que
 les seruiteurs de Dieu sont
 occupez à picquer les apostu-
 mes de nos vices, & à retran-
 cher nos conuoitises que S.
 Paul appelle nos membres,
 nous arrestions nostre lege-
 reté mouuante de peur d'em-
 pescher l'efficace de ceste pa-
 role par nostre impatience.

Colof 3.5.

A l'ouye de la parole faut
 ioindre la lecture, à l'exemple
 de ceux de Berée, qui apres
 auoir ouy la predication de
 Sainct Paul alloient consul-
 ter les Escritures pour reco-

Act. 17. 11.

gnoistre la conformité de sa predication avec les escrits des Prophetes: quoy que l'Apostre puissant en miracles & en parole preschast avec assez d'autorité pour estre creu. Combien plus deuons nous auiourd'huy au sortir de la predication contenter nostre curiosité pour sçauoir si ce qui nous est auiourd'huy annoncé est veritable ? nous qui oyons des Pasteurs lesquels ne sōt receuables qu'autant qu'ils prouuent leur dire par la parole de Dieu ? Entre tous les liures de l'Escriture Sainte le liure le plus obscur est l'Apocalypse , & neantmoins il est dict au premier chapitre, que *bien-heureux sont ceux qui lisent & ceux qui oyent*

R iij



DE L'AMOUR

Les paroles de ceste prophetie. Au
 17. du Deuteronomie Dieu
 cōmande aux Roix de lire au
 liure de la Loy tous les iours
 de leur vie. La lecture estoit
 l'occupation de l'Eunuque
 de la Royne Candace en
 son chariot. S'il lisoit estant
 payen combien plus estant
 deuenue Chrestien ? S'il lisoit
 sans entendre, combien plus
 quand il a commencé à en-
 tendre ? S'il lisoit au chariot,
 combien plus en la maison ?
 Aussi Dieu luy a tēdu la main
 par le ministere de Philippe,
 & sur la lecture luy est surue-
 nue la clarté de l'Euangile:
 pour nous estre vn argument
 d'esperer, qu'ē lisant soigneu-
 sement l'Escriture Saincte
 Dieu nous illuminera. Celuy

qui l'accuse d'obscurité l'accuse aussi de mensonge : car elle dit de soy-mesme qu'elle illumine les yeux, qu'elle donne sagesse aux petits & aux simples, qu'elle est vne lampe à nos pieds, & vne lumiere à nos sentiers. Si elle est obscure, c'est (dit l'Apostre) à ceux auxquels le Dieu de ce siecle a aveuglé les entendemens. Pour le moins ayons bonne opinion de Dieu nostre Pere. N'estimons point qu'il ait couché son testament en termes obscurs & clauses ambiguës pour nous envelopper de procez. Le pere des lumieres n'est iamais cause d'obscurité. Ne taschons point à rendre ceste parole suspecte au peuple, comme si la lecture

*Psf. 119. v. 9.
et 10.*

Psf. 119. v.

103.

2. Corint. 4.

3.

DE L'AMOUR

en estoit dangereuse, comme font les personnes profane-
mēt craintiues qui sous chas-
que pierre s'imaginent vn
Scorpion. S'il y a quelques
difficultés, ce qui reste de clair
est suffisant à salut. Si ce n'est
qu'aux sçauants à lire l'Escri-
ture, ce n'est à personne de la
lire: car nul n'est sçauant, de-
uant l'auoir leu. On ne lit
point la parole de Dieu à cau-
se qu'on est sçauant, mais
pour le deuenir.

Or icy nous passons vne in-
finité de profits qu'on cueille
de ceste lecture. Comme est
la confirmation en la foy, la
consolation en l'affliction,
vn doux diuertissement, vn
maistre qui ne flatte point,
vn compagnie qui n' impor-

tune point, vn arsenal spirituel qui contient toutes sortes d'armes contre les tentations, qui fournit dequoy resister à l'erreur, ensuiuant l'exemple de nostre Seigneur, resistant tousiours au Diable par l'Escripture, & luy disant, *Il est escrit, Il est escrit, &c.* Seulement nous nous arrestons sur ceci, asçauoir que ceste lecture allume en nos cœurs l'amour de Dieu. Cela se reconnoist par experience. Car depuis qu'un homme commence à prendre goust à la lecture de l'Escripture Sainte les autres estudes deuiennent fades: vous ne verrez plus sur le tapis des liures d'amourettes. Les Romans ridicules & les contes d'Amadis fuyent

*Matth. 4.**Luc. 4.*

deuant l'Eſcriture Saincte, plus que les diables deuant l'eau benite. Toutes ces friandises & vaines lectures qui amuſoient l'eſprit, & chatouilloient l'imagination perdent leur gouſt apres ceſte nourriture ſpirituelle. Vn autre amour s'allume és eſprits qui ſe propoſent aſſiduellement les teſmoignages de l'amour de Dieu enuers nous, contenus en ſa parole.

Ceſte meditatiõ nous fournit vn iuſte ſujet de plainte, car lors qu'on nous bruſſoit pour auoir leu l'Eſcriture, nous bruſſions d'ardeur de la lire. Maintenant avec ceſte liberteſt venue auſſi la negligence & le meſpris. Nous ſommes barbares & nou-

ueaux au langage de l'Esprit de Dieu. Nos cœurs donc ressemblent aux cailloux qui ne iettent point d'estincelles s'ils ne sont frappez. Plusieurs auront vne Bible bien reliée & dorée dessus vn buffet, plus pour parade que pour instruction. On n'en aime que la couuerture. Nous orons l'Escripture Saincte par dehors, mais il valoit mieux qu'elle nous ornast par dedans. Il valoit mieux qu'elle fust déchirée à force d'y lire afin que ta conscience fust plus entiere. Car il t'est plus aisé d'érauer vne autre, qu'il ne t'est aisé d'estre homme de bien sans la lire. On veut vne belle impression: mais la plus belle impression est celle qui

D E L' A M O U R

se fait du doigt de Dieu dans
nos ames, Les matrices de ces
caracteres sont au ciel. Cet
amour de Dieu s'engraue en
nos cœurs de la main de
Dieu, & se forme sur le mo-
dèle de l'amour qu'il nous a
porté en son fils: Selon qu'il
dit au quinzieme de Sainct
Iehan, *Comme mon pere m'a ai-
mé ainsi vous ay-je aimez, de-
meurez en mon amour.*

F I N

